

二十四

春秋五傳

共三十二

昭公

自五年至十四年

漢書門		四	二	七	六
三	二	七	五	六	號
架	函	架	函	架	類

內閣文庫			
漢	四	二	七
書	六	二	六
類	號	冊	架

內閣文庫		
番號	漢	4276
冊數	32	(22)
函號	275	35



春秋四家五傳平文卷三十二

仁和張岐然秀初手輯

錢塘吳漢翔舉遠叅閱

昭公二

景王五年晉平二十一年齊景十一年衛襄七年蔡靈六年鄭簡二十九曹武十八陳哀三十二杞

文十三宋平三十九秦景四十四卒楚靈四吳夷昧七

春王正月舍中軍杜襄十一年始立中軍○舍音捨傳同

左傳五年春王正月舍中軍甲公室也罷中軍季孫稱

左師孟氏稱右師叔孫氏則自以叔孫為軍名毀中軍于施氏成諸臧

氏季孫不欲親其議勅二家會諸大夫發毀置之計又取其令名初作中軍三

分公室而各有其一三家各有一軍家屬季氏盡征之無所

入於公叔孫氏臣其子弟以父兄歸公孟氏取其半焉

復以子弟之半歸公及其舍之也四分公室季氏擇二簡擇

取二分○二分扶運反二子各一皆盡征之而貢于公國人

盡屬三家三家隨時獻公而已以書使杜洩告于殯告叔孫曰

子固欲毀中軍既毀之矣故告杜洩曰夫子唯

不欲毀也故盟諸僖閔詛諸五父之衢皆在襄

受其書而投之也投擲也帥士而哭之痛叔孫之見誣叔仲

子謂季孫曰帶受命于子叔孫曰葬鮮者自西

門不以壽終為鮮西門非魯朝正門○鮮音仙季孫命杜洩命使從

杜洩曰卿喪自朝魯禮也從生存朝覲之正路吾子為國

政未改禮而又遷之也遷易也羣臣懼死不敢自也

自從也既葬而行善杜洩能辟禍仲至自齊聞喪而來季孫欲

立之南遺曰叔孫氏厚則季氏薄彼實家亂子

勿與知不亦可乎南遺使國人助豎牛以攻諸

大庫之庭攻仲壬也魯城內有大庭氏之虛於其上作庫○與音預虛起居反司

宮射之中目而死豎牛取東鄙三十邑以與南

遺取叔孫氏邑昭子即位朝其家衆曰豎牛禍

叔孫氏使亂大從使從於亂殺適立庶又披

其邑將以赦罪披析也謂以邑與南遺昭子不

罪披普彼罪莫大焉必速殺之豎牛懼奔齊

孟仲之子殺諸塞關之外齊魯界上關投其首

於寧風之棘上齊地仲尼曰叔孫昭子之不勞

不可能也不以立已為功勞據其所言善周任

有言曰為政者不賞私勞不罰私怨詩云有覺

德行四國順之詩大雅覺直也言德行直初穆

子之生也莊叔以周易筮之莊叔穆子遇明夷

䷣離下坤之謙艮下坤以示卜

楚丘楚丘卜曰是將行行出而歸為子祀奉祭

以讒人入其名曰牛卒以餒死明夷日也離為

日之數十甲至故有十時亦當十位自

王已下其二為公其三為卿日中當王食時當

為士夜半為阜人定為輿黃昏為隸日入為僚

公曠其位阜才日上其中日中盛明食日為

旦日為三卿明夷之謙明而未融其當旦

乎融明也離在坤下日在地中之象又變為謙謙道卑退故曰明而未融日明未融故曰其

當且莊叔卿也卜豹為故曰為子祀知為子祀日之謙當

鳥故曰明夷于飛離為日為鳥離變為謙日光不足故當鳥鳥飛行故曰于

飛明而未融故曰垂其翼於日為未融於鳥為垂翼象日之

動故曰君子于行明夷初九得位有應君子象也在明傷之世居謙下之位

故將辟難而行當三在旦故曰三日不食且位在三日又非食時故曰

三日離火也艮山也離為火火焚山山敗離艮合體

於人為言言良為敗言為讒為離所焚故言敗○敗必邁反故

曰有攸往主人有言言必讒也離變為艮故言有所往往而見

燒故主人有言言而見敗故必讒言純離為牛易離上離下離畜牝牛吉故言純離

為世亂讒勝勝將適離故曰其名曰牛離焚山則離勝

譬世亂則讒勝山焚則離獨存故知名牛也豎牛非牝牛故不吉謙不足飛不

翔謙道冲退故飛不遠翔垂不峻翼不廣峻高也翼垂下故不能廣遠

故曰其為子後乎不遠翔故知不遠去吾子亞卿也抑少

不終旦日正卿之位莊叔父子世為亞卿位不足以終盡卦體蓋引而致之

公羊舍中軍者何復古也善復也然則曷為不言

三卿據上言作三軍等問不言軍云五亦有中

三亦有中此乃解上作三軍皆意作皆益中軍不可言中軍者五亦有中

不知何中也。今此據上作三軍，不言中則益三之中舍三之中皆可也。弟子本據上言作三，難下中不言三也。如師解言本益中故下言舍中為其將復據下中難上不言中故解上以解下如此則下不言三亦可知也。不言卿者欲同上文以相起傳不足以解之者以上解下文。

穀梁貴復正也。魯次國舊二軍襄十一年立三軍今毀之故曰復正。○舍音捨。

胡傳按左氏舍中軍甲公室也。初作三軍三分公室而各有其一。及其舍之也四分公室季氏擇二。二子各一。皆盡征之而貢于公。然則三軍作舍皆自三家公不與焉。公室益甲而魯國之

兵權悉歸于季氏矣。兵權有國之司命。三綱兵政之本原。書其作舍而公孫于齊，薨于乾侯，定公無政，必至之理也。已則不臣，三綱淪替，南蒯叛，陽虎專，季斯囚，而三桓之子孫微矣。亦能免乎。書曰：舍中軍，微詞以著其罪也。與音預，南蒯叛事見左傳。

十二年陽虎專季斯囚事見左傳定公五年

楚殺其大夫屈申。杜書名罪之

左傳楚子以屈申為貳于吳，乃殺之。造生以屈

生為莫敖。建子屈使與令尹子蕩如晉逆女。過鄭。

鄭伯勞子蕩于汜勞屈生于菟氏汜菟氏皆鄭地○過古禾

及勞力報反後皆同汜徐扶嚴反菟大胡反晉侯送女于邢丘子產

相鄭伯會晉侯于邢丘傳言楚強諸侯畏敬其使

公如晉

左傳公如晉即位而往見自郊勞至于贈賄往有郊勞去有

賄無失禮之禮晉侯謂女叔齊曰魯侯不亦善于禮乎對曰魯侯焉知禮公曰何為自郊勞至

于贈賄禮無違者何故不知對曰是儀也不可謂禮禮所以守其國行其政令無失其民者也

今政令在家在大夫不能取也有子家羈弗能用也羈莊公玄孫懿伯也奸大國之盟陵虐小國謂伐莒取鄆利

人之難謂往年莒亂而取鄆不知其私不自知有私難

公室四分民食于他他謂三家也言魯君與民無異思莫在公

不圖其終無為公謀終始者○思息吏反為國君難將及身不

恤其所禮之本末將于此乎在在恤民與憂國而屑屑

焉習儀以亟言以習儀為急言善于禮不亦遠乎君子

謂叔侯于是乎知禮時晉侯亦失政叔齊以此諷諫○諷芳鳳反

左傳附錄晉韓宣子如楚送女叔向為介鄭子

春火五傳

卷三十一 昭公

五

國立公文書館 National Archives of Japan

皮子大叔勞諸索氏河南城臯縣東有大索城○索悉洛反太叔

謂叔向曰楚王汰侈已甚子其戒之叔向曰汰

侈已甚身之災也焉能及人若奉吾幣帛慎吾

威儀守之以信行之以禮敬始而思終終無不

復事皆可復行從而不失儀從順也敬而不失威道之

以訓辭奉之以舊法考之以先王以先王之禮成其好度

之以二國度晉楚之勢而行雖汰侈若我何及

楚楚子朝其大夫曰晉吾仇敵也苟得志焉無

恤其他今其來者上卿上大夫也若以吾韓起

為闞刑足使守門以羊舌肸為司宮加官刑○足以

辱晉吾亦得志矣可乎大夫莫對蘧啓疆曰可

苟有其備何故不可耻匹夫不可以無備況耻

國乎是以聖王務行禮不求耻人朝聘有珪以珪

為享信頰有璋享饗也頰見也既朝聘而享見也

通及為小有述職諸侯適天子曰述職大有巡功天子巡

功設機而不倚爵盈而不飲言禮宴有好貨飲

以貨為好衣服車馬在客所無○好去聲餼有陪鼎熟食為餼陪加

殷勤心入有郊勞賓至迎勞出有贈賄去則贈

禮之至也。國家之敗，失之道也。則禍亂興。失朝

聘宴好城濮之役。在僖二晉無楚備以敗于邲。

在宣十二年言兵禍始於城濮。邲皮必反。邲之役，楚無晉備以敗

于邲。在成十六年自邲以來，晉不失備而加之

以禮，重之以睦。君臣和也是以楚弗能報而求親焉。

既獲姻親，又欲耻之，以召寇讎，備之若何。言何

備誰其重此。言怨重若有其人，耻之可也。謂有賢人以敵

若則可若其未有，君亦圖之。晉之事君，臣曰可矣。求諸侯而麋至。麋羣也。求昏而薦女也。薦進

君親送之。上卿及上大夫致之，猶欲耻之。君其

亦有備矣。不然，奈何。韓起之下，趙成中行，吳魏

舒范鞅知盈。五卿位在韓起之下，皆三卿之將佐也。成趙武之子，吳荀偃之子。

行戶郎反羊舌肸之下，祁午張趯，籍談女齊梁

丙張骼輔躒，苗賁皇，皆諸侯之選也。言非凡人

反幣古百反，躒力狄反，賁音粉，選去聲。韓襄為公族大夫，韓須受

命而使矣。襄韓無忌子也，為公族大夫，須起之門子，年雖幼，已任出使。

箕襄邢帶。二人韓氏族叔禽叔椒子羽。皆韓起庶子皆大

家也。韓賦七邑，皆成縣也。成縣賦百乘也羊舌四族皆

疆家也。四族銅鞮伯華叔向叔魚叔晉人若喪

韓起楊肸五卿八大夫。五卿趙成以下八大夫

叔向本羊舌輔韓須楊石也。石叔向子食我因其

十家九縣。韓氏七羊舌氏四而言十家舉大數

長轂七百。長轂戎車也縣百其餘四十縣遺守

四千。計遺守國者奮其武怒以報其大耻伯華

謀之。伯華叔中行伯魏舒帥之。伯中其蔑不濟

矣。君將以親易怨。失婚姻實無禮以速寇而未

有其備使羣臣往遺之禽以逞君心何不可之

有。王曰不穀之過也大夫無辱。謝遠啓疆○厚

為韓子禮王欲教叔向以其所不知而不能。言

向之多知○亦厚其禮韓起反鄭伯勞諸圍。圍

地辭不敢見禮也。奉使君命未反○鄭罕虎如

齊娶于子尾氏。自為晏子驟見之陳桓子問其

故對曰能用善人民之主也。謂授子

夏莒牟夷以牟婁及防茲來奔。杜城陽平昌縣西

東北有茲亭

左傳夏莒牟夷以牟婁及防茲來奔牟夷非卿

而書尊地也

尊重也重地故書以各其人終為不義

公羊莒牟夷者何莒大夫也莒無大夫此何以

書重地也其言及防茲來奔何

據漆閭丘不言及高張言及

不以私邑累公邑也

公邑君邑也私邑臣邑也累次也義不可使臣邑與

君邑相次序故言及以絕之

穀梁以者不以者也來奔者不言出

以其方及何內也

防茲以大夫及小也莒無大夫其曰牟夷何也以

其地來也以地來則何以書也重地也

竊地之罪重故

不得不錄其人

胡傳邾莒之大夫名姓不登于史策微也牟夷

莒大夫曷為以姓氏通重地也以地叛雖賤必

書地以名其人終為不義弗可滅矣其書來奔

是接我以利而我入其利兩譏之也為國以義

不以利如以利則上下交征而國必危矣為已

以義不以利如以利則患得患失亦無所不至

矣春秋于三叛人雖賤特書其名以懲不義懼

淫人為後戒也邑而言及者公羊所謂不以私

邑累公邑是也

秋七月公至自晉

左傳 晉人愬于晉

愬曾受年夷

晉侯欲止公范獻子

曰不可人朝而執之誘也討不以師而誘以成

之情也為盟主而犯此二者無乃不可乎請歸

之開而以師討焉

開眼也○誘音西開音開

乃歸公秋七月

公至自晉

戊辰叔弓帥師敗莒師于蚡泉

蚡公作漕穀作賁杜蚡泉魯地○蚡

反 扶粉

左傳 莒人來討

討受年夷

不設備戊辰叔弓敗諸蚡

泉莒未陳也

嫌君臣異故重發例

公羊 瀆泉者何直泉也直泉者何涌泉也

蓋戰而涌

為異也不傳異者外異不書此象公在晉臣下專受莒叛臣地以與兵戰鬪百姓悲怨歎息氣逆之所致故因以著戰處欲明天之與人相報應之義

穀梁 狄人謂賁泉失台號從中國名從主人

台○

湯來反

秦伯卒

杜不書名木同盟

公羊 何以不名

稱諸侯名

秦者夷也匿嫡之名也

子嫡

生以不名令于四竟擇勇猛者而立之

其名何

据秦伯嬰稻名 嫡得之也

獨嬰稻以嫡得立之

冬楚子蔡侯陳侯許男頓子沈子徐人越人伐吳

何吳未服慶封之罪故也越稱人者俱助義兵意進于淮夷故加人以進之義兵不月者進越

為義兵明故省文○越始見經

左傳冬十月楚子以諸侯及東夷伐吳以報棘

櫟麻之役後在四年遠射以繁揚之師會于夏洳會楚

子○射越大夫常壽過帥師會楚子于瑣瑣楚地

過古禾反聞吳師出遠啓疆帥師從之從吳遽不設師也

備吳人敗諸鵠岸盧江舒縣有鵠尾渚楚子以駟至於羅

洳駟傳也羅水名○駟人實反吳子使其弟蹶由犒師犒勞

居衛反楚人執之將以爨鼓王使問焉曰女卜來

吉乎對曰吉寡君聞君將治兵於敝邑卜之以

守龜曰余亟使人犒師請行以觀王怒之疾徐

而為之備尚克知之言吳令龜如此○女龜兆音汝守羊又反下同

告吉曰克可知也君若驩焉好逆使臣茲敝邑

休息休解也○好呼報反解佳賣反而忘其死亡無日矣今君

奮焉震電馮怒馮盛也○馮皮冰反虐執使臣將以爨鼓

則吳知所備矣敝邑雖羸若早修完完器備○羸力危反

其可以息師。息楚之師難易有備可謂吉矣。且吳社

稷是卜。豈為一人使臣獲釁軍鼓而敝邑知備。

以禦不虞。其為吉孰大焉。國之守龜其何事不

卜。言常卜。為于僞反。一臧一否。其誰能常之。城濮之

兆。其報在邲。城濮戰楚上吉其效乃在邲。否悲矣反。今此行也。其

庸有報志。言吳有報楚意乃弗殺楚師。濟于羅汭。沈尹

赤會楚子。次于萊山。蒞射帥繁揚之師。先入南

懷。楚師從之。及汝清。南懷汝清皆楚界吳不可入。有備楚

子遂觀兵于坻箕之山。觀示也。坻直夷反。是行也。吳早

設備。楚無功而還。以蹶出歸。楚子懼。吳使沈尹

射待。命于巢。蒞啓彊待命于雩婁。禮也。善有備。雩音

于婁力侯反。

胡傳越始見經。而與徐皆得稱人。何也。吳以朱

方處齊慶封。而富于其舊。崇惡也。楚圍朱方。執

齊慶封。殺之。討罪也。吳不顧義。入棘櫟。麻以報

朱方之役。狄道也。楚于是以諸侯伐吳。則比吳

為善。而師亦有名。其從之者。進而稱人。可也。或

者以詞為主。而謂不可。云沈子徐越伐吳。故特

稱人謨矣以不可為文詞而進人于越一字褒
貶義安在乎且吳楚徐越雖比于夷狄而劉敞
以為其實不同吳太伯之後也楚祝融之後也
徐伯益之後也越大禹之後也其上世皆為元
德顯功通于周室與中國冠帶之君無以異徐
始稱王楚後稱王吳越因遂稱王王非諸侯所
當稱也故春秋比諸夷狄雖然猶不欲絕其類
是以上不使與中國等下不使與夷狄均推之
可遠引之可來此聖人慎絕人亦春秋之意也

左傳附錄 秦后子復歸於秦元年奔晉 景公卒故也

終五稔之言

景王六年晉平二十二年齊景十二衛襄八莖靈七
九年鄭簡三十曹武十九陳哀三十三杞文
十四卒宋平四十四秦哀公
元年楚靈五吳夷昧八

春王正月杞伯益姑卒杜再同盟何不日者行微
弱故畧之上城杞已貶復

卒略之者入所見世責小國詳始錄內行也諸
侯內行小失不可勝書故於終畧責之見其義

左傳六年春王正月杞文公卒弔如同盟禮也

魯怨杞因晉取其田而
今不廢喪紀故禮之

葬秦景公秦始
書葬

昭公

左傳 大夫如秦葬景公禮也。合先王士弔大夫送葬之禮

左傳 三月鄭人鑄刑書。鑄刑書於鼎以爲國之常法 叔向使

詒子產書。詒遺也。遺惟季反。 曰始吾有虞于子。虞度也。言準度也。

子產以爲已法。度音鐸下同。 今則已矣。已止也。 昔先王議事以

制不爲刑辟。懼民之有爭心也。設法也。法豫設則民知爭端。辟婢亦反下同。

猶不可禁禦。是故閑之以義。閑防也。 糾之以政。糾舉也。 行之以禮。守之以信。奉之以

仁。奉養也。 制爲祿位。以勸其從。勸從也。 嚴斷刑罰。以

威其淫。淫放也。丁亂反下同。 懼其未也。故誨之以忠。聳

之以行。聳懼也。行下孟反。 教之以務。時所急。 使之以和。以

使臨之以敬。涖之以彊。施之於民。事爲蒞。 斷之以剛。義斷

猶求聖哲之上。明察之官。上公王也。官卿大夫也。 忠信之

長。慈惠之師。民于是乎可任。使也。而不生禍亂。

民知有辟。則不忌于上。權移於法。故民不畏上。 竝有爭心。

以徵于書。而徵幸以成之。因危文以生爭。緣徵幸以成其巧。偽也。

古堯反。 弗可爲矣。爲治也。 夏有亂政。而作禹刑。商有

亂政。而作湯刑。夏商之亂。著禹湯之決言不能議事以制。 周有亂政

而作九刑。周之衰。亦爲刑。書謂之九刑。 三辟之興。皆叔世也。

家火五傳卷三十一 昭公

言刑書不起今吾子相鄭國作封洫在襄三十

於始盛之世年〇洫泥

域立謗政作丘賦制參辟鑄刑書制參辟謂用

將以靖民不亦難乎詩曰儀式刑文王之德日

靖四方詩頌言文王以德為儀式故能又曰儀

刑文王萬邦作孚詩大雅言文王作儀法如是

何辟之有言詩唯以德與民知爭端矣將棄禮

而徵于書以刑書錐刀之末將盡爭之錐刀末

亂獄滋豐賄賂竝行終子之世鄭其敗乎肸聞

之國將亡必多制法數改其此之謂乎復書曰若

吾子之言復報也僑不才不能及子孫吾以救世

也既不承命敢忘大惠以見歲士文伯曰火見

鄭其火乎火心星周五月火未出而作火以鑄

刑器刑器鼎也藏爭辟焉火如象之不火何為象類

氣相求火未出而夏季孫宿如晉用火相感而致災

左傳夏季孫宿如晉拜苜田也謝前年受牟晉

侯享之有加籩籩豆之數武子退使行人告曰

小國之事大國也苟免于討不敢求貺貺賜也得

賦不過三獻周禮大夫三獻今豆有加。下臣弗堪。無乃

戾也。懼以不韓宣子曰：寡君以為驩也。以加禮

對曰：寡君猶未敢未敢當此加也。沉下臣。君之隸也。敢

聞加賦，固請徹加而後卒事。晉人以為知禮，重

其好貨。寡好之貨。好去聲。

葬杞文公

宋華合比出奔衛。杜合比事君不以道自取奔亡書名罪之。華戶化反。比如字。

左傳：宋寺人柳有寵。有寵於平公。柳寺人名。大子佐惡之。

華合比曰：我殺之。欲以求媚大子。惡烏路反。柳聞之，乃坎

用牲埋書。詐為盟處。而告公曰：合比將納亡人之族

亡人華臣也。襄亡人華臣也。襄十七年奔衛。既盟于北郭矣。公使視之，有焉。

遂逐華合比。合比奔衛。于是華亥欲代右師。亥合比弟欲得

乃與寺人柳比從為之徵。曰：聞之久矣。聞合比欲納華臣。柳比毗志反。公使代之。代合比為右師。見于左

師。左師向戌。見賢遍反。左師曰：女夫也必亡。夫謂華亥。女音汝。

下女喪而宗室於人何有。人亦於女何有。言人亦不

能愛女。喪息浪反。詩曰：宗子維城。毋俾城壞。毋獨斯畏。

詩大雅言宗子之固若城俾使也。女其畏哉。為二十年華亥出奔傳。

昭公

昭公

昭公

昭公

胡傳左氏曰宋寺人柳有寵太子佐惡之華合
 比請殺之柳聞坎用牲埋書而告公曰合比將
 納亡人之族既盟于北郭矣公使視將有焉遂
 逐合比於是華亥欲代為右師乃與柳比從為
 之徵公使代之宋公寵信閹寺殺世適痊而父
 子之恩絕逐華合比而君臣之義睽刑人之能
 敗國亡家亦可畏矣猶有任趙高以亡秦信恭
 顯十常侍以亡漢寵王守澄田令孜以亡唐而
 不知鑿覆車之轍者不亦悲夫凡此類直書而

義自見矣

宋公寵言閹寺殺世適痊事見左傳襄公二十六年攷音茲

左傳附錄六月丙戌鄭災終士文伯之言○楚公子棄

疾如晉報韓子也報前年送女過鄭鄭罕虎公孫僑

游吉從鄭伯以勞諸榘辭不敢見不敢當國君之勞榘鄭地

○從去聲勞去聲榘音查見賢遍反固請見之見如見王見鄭伯如見楚

王言棄疾共而有禮以其乘馬八匹私面私見鄭伯○乘去聲見子

皮如上卿如見楚卿以馬六匹見子產以馬四匹見

子太叔以馬二匹降殺以兩○殺所界反禁芻牧採樵不

入田不犯田種不樵樹不采蕪蕪種也不抽屋不强匈

昭公

誓曰有犯命者君子廢小人降君子則廢黜不

退給下劇也舍不為暴主不恩賓恩患也往

來如是鄭三卿皆知其將為王也三卿罕虎公

韓宣子之適楚也楚人弗逆公子棄疾及晉竟

晉侯將亦弗逆叔向曰楚辟我衷辟邪也衷正

辟匹亦反衷音忠若何效辟詩曰爾之教矣民胥效矣

詩小雅言上教下效從我而已焉用效人之辟書曰聖作

則逸書則法也無寧以善人為則無寧寧也而則人之辟

乎匹夫為善民猶則之況國君乎晉侯說乃逆

之傳言叔向知禮

秋九月大雩何先是季孫宿如晉是後叔弓與公比如楚有豫賦之煩也

左傳秋九月大雩早也

楚遠罷帥師伐吳罷音皮

左傳徐儀楚聘于楚儀楚徐大夫楚子執之逃歸懼

其叛也使遠洩伐徐遠洩楚大夫吳人救之令尹子

蕩帥師伐吳師于豫章而次于乾谿乾谿在譙國城父縣

南楚東竟吳人敗其師於房鍾房鍾吳地獲宮廐尹棄疾

鬪韋龜之父子蕩歸罪於遠洩而殺之歸罪於遠洩不以敗告故

不書

冬叔弓如楚

左傳冬叔弓如楚聘且弔敗也。弔為吳所敗

齊侯伐北燕

左傳十一月齊侯如晉請伐北燕也。告盟士匄

相士鞅逆諸河禮也。士匄晉大夫相為介得敬逆來者之禮。○匄古害反。

晉侯許之。十二月齊侯遂伐北燕將納簡公。簡公

北燕伯三年出奔齊晏子曰不入燕有君矣民不貳吾君

賄左右諂諛作大事不以信未嘗可也。為明年既齊平

傳

景王七年晉平二十三年齊景十三衛襄九年秦哀三十四

把平公郁釐元年宋平四十一秦哀二楚靈六吳夷昧九

春王正月暨齊平杜暨與也燕與齊平前年冬齊

可知何書者善錄內也不出主名者君相與平國中皆安故以舉國體言之月者刺內暨暨也

時魯方結婚于吳外慕強楚故不汲汲于齊。○暨其器反

左傳七年春王正月暨齊平齊求之也。齊伐燕燕人賂

之反從求平癸巳齊侯次于虢。虢燕燕人行成

如晏子言曰敝邑知罪敢不聽命先君之敝器請以謝罪

敝器瑤璽玉櫝之屬

公孫皙曰受服而退侯黶而動可也

齊大夫

二月戊午盟于濡上

濡水出高陽縣東北至河間鄭縣入易水

音須

燕人歸燕姬

齊侯嫁女與

賂以瑤璽玉櫝竿耳

不克而還

瑤玉也櫝匱也竿耳玉爵○竿古雅反

穀梁平者成也暨猶暨暨也暨者不得已也以外及內曰暨

外及內曰暨

胡傳我所欲曰及不得已曰暨當是時昭公結婚強吳外附荆楚其與齊平無汲汲之意乃齊求於魯而許之平也故曰暨至定公八年魯再

侵齊結大國之怨見復必矣其與齊平非不得已乃魯求于齊而欲其平也故曰及平者聖人

之所貴然或以賄賂而結平或以臣下而擅平或以附夷狄而得平或以侵犯大國而急于平則皆罪也攷其事而輕重見矣

左傳附錄楚子之為令尹也為王旌以田

析羽為旌

王旌游至於軫○游音留芋尹無宇斷之曰一國兩君其誰

堪之及即位為章華之宮納亡人以實之

章華南郡

華容縣○芋于付反斷音短無宇之闖入焉

有罪亡入章華宮無宇

昭公

三十一

昭公

執之有司弗與。王有司也。曰。執人於王宮。其罪大矣。

執而謁諸王。執無字也。王將飲酒。遇其歡也。無字辭曰。天

子經畧。經營天下畧有四海故曰經畧。諸侯正封。封疆有定分。古之

制也。封畧之內。何非君土。食土之毛。誰非君臣。

毛草也。故詩曰。普天之下。莫非王土。率土之濱。莫

非王臣。詩小雅濱涯也。天有十日。甲至癸。人有十等。王至臺。

下所以事上。上所以共神也。故王臣公。公臣大

夫。大夫臣士。士臣阜。阜臣與。與臣隸。隸臣僚。僚

臣僕。僕臣臺。馬有圉。牛有牧。養馬曰圉。養牛曰牧。○共音恭。以

待百事。今有司曰。女胡執人于王宮。將焉執之。

周文王之法曰。有亡荒閱。荒大也。閱蒐也。有亡人當大蒐其眾。所

以得天下也。吾先君文王。楚文王。作僕區之法。僕區

刑書名。○區烏侯反。徐如字。服云僕隱也。區匿也。為隱匿亡人之法也。曰。盜所隱

器。隱盜所得器。與盜同罪。所以封汝也。行善法故能啓疆北至汝

水。若從有司。是無所執。逃臣也。逃而舍之。是無

陪臺也。言皆將逃。王事無乃闕乎。昔武王數紂之罪。

以告諸侯曰。紂為天下逋逃主。萃淵薮。萃集也。天下逋

逃悉以紂為淵薮。集而歸之。數色具反。通布吳反。藪素口反。故夫致死焉。欲人

夫致死討紂夫音扶君王始求諸侯而則紂無乃不可乎

若以二文之法取之盜有所在矣言王亦為盜王曰

取而臣以往往去也盜有寵未可得也盜有寵王自謂為葬

靈王張本遂救之救無字

三月公如楚

左傳楚子成章華之臺願與諸侯落之宮室始成祭之

為落臺今在華容城內大宰蒧啓疆曰臣能得魯侯蒧啓

疆來召公辭曰昔先君成公命我先大夫嬰齊

曰吾不忘先君之好將使衡父照臨楚國鎮撫

其社稷以輯寧爾民嬰齊受命于蜀蜀盟在成二年衡父

公衡○好呼報反輯音集奉承以來弗敢失隕而致諸宗祧

言奉成公此語以告宗廟祧他彫反曰我先君共王引領北望日

月以冀冀曾朝共音恭傳序相授于今四王矣四王共康

邾敖及靈王嘉惠未至惟襄公之辱臨我喪襄公二

如楚臨喪孤與其二三臣悼心失圖在哀喪故社稷之

不皇況能懷思君德皇暇也言有大喪多不暇今君若步玉

趾辱見寡君趾足也寵靈楚國以信蜀之役致君

之嘉惠是寡君既受貺矣何蜀之敢望言但欲使君來

不敢望如蜀復有質子○復去聲質音致下同其先君鬼神實嘉賴之。

豈惟寡君君若不來使臣請問行期問曾見寡君將承質幣而見于蜀以請先君之貺請問也

公將往夢襄公祖祖祭道神梓慎曰君不果行襄

公之適楚也夢周公祖而行今襄公實祖君其

不行子服惠伯曰行先君未嘗適楚故周公祖

以道之襄公適楚矣而祖以道君不行何之三

月公如楚鄭伯勞于師之梁鄭城門○勞去聲孟僖子

為介不能相儀僖子仲孫纓及楚不能答郊勞

為下僖子病不能相禮張本

國語靈王為章華之臺靈王楚恭王之庶子靈王熊虔也章華地名

與伍舉升焉曰臺美夫伍舉湫舉也湫邑也對曰臣聞國

君服寵以為美服寵謂以賢受寵服是為美也安民以為樂聽

德以為聰聽用有德致遠以為明能致遠人不聞其以土

木之崇高彫鏤為美彫謂丹楹鏤謂刻桷而以金石匏竹

之昌大囂庶為樂金鐘也石磬也匏笙也竹簫管也昌盛也囂華也庶眾也

不聞其以觀大視侈淫色以為明而以察清濁

為聰也察審也清濁宮羽也先君莊王為匏居之臺匏居臺名

高不過望國氛氛稜也大不過容宴豆言宴有折俎籩豆之

陳木不妨守備不妨城郭守備之材用不煩官府財用不出府藏

民不廢時務官不易朝常問誰宴焉則宋公鄭

伯言二國朝事楚同誰相禮則華元駟駟相相導也華元宋卿華御

事之子右師元也駟鄭穆公之子子元也問誰贊事則陳侯蔡侯許

男頓子其大夫侍之各侍其君先君是以除亂克敵

而無惡於諸侯今君為此臺也國民罷焉財用

盡焉年穀敗焉罷通作疲敗廢民之時務百官煩焉為之舉

國留之留治也數年乃成願得諸侯與始升焉諸

侯皆距無有至者而後使太宰啓疆請於魯侯

啓疆楚卿遺子魯魯地魯宣公懼之以蜀之役蜀魯地魯宣公使求好於楚楚

莊王卒宣公薨不克作好至成公即位受盟於晉楚子怒使公子嬰齊帥師侵魯至蜀魯人懼

使孟孫賂而僅得以來僅猶使富都那豎贊焉楚以請盟

富富於容貌都閑也那美也豎而使長鬣之士末冠者也言取美好不尚德也

相焉長鬣美須頤也臣不知其美也夫美也者上下外

內小大遠邇皆無害焉故曰美若于目觀則美

於目則美德則不也縮於財用則匱縮取也是聚民利以自

封而瘠民也胡美之為封厚也胡何夫君國者

將民之與處民實瘠矣君安得肥安得獨肥言將有患且

夫私欲弘侈則德義鮮少德義不行則邇者騷

離而遠者距違騷愁也離畔也邇境內遠隣國也天子之貴也

唯其以公侯為官正正長也而以伯子男為師旅

帥師也其有美名也唯其施令德于遠近而小大

安之也若歛民利以成其私欲使民蒿焉忘其

安樂而有遠心蒿耗也遠心畔離也其為惡也甚矣安用

目觀故先王之為臺榭也積土曰臺榭不過講

軍實講習也軍實戍士也臺不過望氛祥凶氣為氛吉氣為祥故榭

度于大卒之居大卒王士卒也度謂足以臨見之臺度于臨觀

之高足以臨下觀上使屋榭不蔽日明而已其所不奪穡地稼穡之地

其為不匱財用為作也其事不煩官業業事也其日

不廢時務以農隙也瘠饒之地于是乎為之城守之

未于是乎用之城守之餘然後用之官寮之暇于是乎臨

之四時之隙于是乎成之故周詩曰經始靈臺

經之營之庶民攻之不日成之經始勿亟庶民

于來王在靈囿麇鹿攸伏夫為臺榭將以教民

利也臺所以望氛祥而備灾害榭所以講軍實而禦寇亂皆所以利民也不知其

以匱之也。也。知聞。若君謂此臺美而為之正。以為得事。

之。楚其殆矣。也。殆危。

叔孫舍如齊蒞盟。

舍左穀作媾後同杜公將遠適楚故叔孫如齊尋舊好。媾敕。

畧反又音釋。

穀梁蒞位也。內之前定之辭謂之蒞。外之前定

之辭謂之來。

夏四月甲辰朔日有食之。

何是後楚滅陳蔡楚絀其君虔于乾谿。

左傳夏四月甲辰朔日有食之。晉侯問于士文

伯曰誰將當日食。對曰魯衛惡之。愛其凶惡。惡之去聲。

衛大魯小。公曰何故。對曰去衛地如魯地。

衛地豕韋。

也。魯地降婁也。日食於豕韋之未及降婁之始乃息。故禍在衛大在魯小。周四月今二月。故曰

在降婁。於是。有災。魯實受之。

災發於衛而魯受其餘禍。

其

大咎。其衛君乎。魯將上卿。

八月衛侯卒。季孫宿卒。

公曰。

詩所謂彼日而食于何不臧。

感日食而問詩。

對

曰。不善政之謂也。國無政不用善。則自取謫于

日月之災。

謫。譴也。

故政不可不慎也。務三而已。一

曰擇人。

擇賢人。

二曰因民。

因民所利而利之。

三曰從時。

順四

時之所務。

左傳附錄 晉人來治杞田

前女叔侯不盡歸今公適楚晉人恨故復

來治杞田季孫將以成與之成孟氏邑謝息為孟孫

守不可謝息僖子家臣曰人有言曰雖

有挈瓶之知守不假器禮也挈瓶汲者喻小知為人守器猶知不

以借人知音智夫子從君而守臣喪邑夫子謂孟僖子從公如楚

去聲雖吾子亦有猜焉言季孫亦將疑我不忠季孫曰君

之在楚於晉罪也言晉罪君之至楚又不聽晉魯罪重

矣晉師必至吾無以待之不如與之開晉而取

諸杞晉侯閒隙可復伐杞取之吾與子桃魯國卞縣東南有桃虛

成反誰敢有之是得二成也魯無憂而孟孫益

邑子何病焉辭以無山與之萊柞萊柞二山○萊音來柞子

洛反又乃遷于桃謝息遷也晉人為杞取成不書非音昨

○楚子享公于新臺章華臺也使長鬣者相鬣鬣也欲先夸

魯侯鬣力好以大屈好以大屈宴好之賜大屈弓名○

既而悔之遺啓疆聞之見公公語之拜賀公曰

何賀對曰齊與晉越欲此久矣寡君無適與也

而傳諸君君其備禦三鄰言齊晉越將伐魯而取之○見賢遍反語

慎守寶矣敢不賀乎公懼乃反之傳

魚據反適 丁歷反 昭公 三十一

楚靈不信所以不終

左傳附錄鄭子產聘于晉晉侯有疾韓宣子逆

客私焉語私曰寡君寢疾於今三月矣竝走羣望

晉所望祀山川皆走往祈禱有加而無瘳今夢黃熊入於寢

門其何厲鬼也對曰以君之明子為大政其何

厲之有昔堯殛鯀于羽山羽山在東海祝其縣西南○熊音雄獸名

亦作能如字三足鼈也解者云獸非入水之物故知為鼈也說文云能熊屬其神化

為黃熊以入于羽淵實為夏郊三代祀之鯀禹父夏

家郊祭之歷殷周二代又通在羣神之數并見祀晉為盟主其或者未

之祀也乎言周襄晉為盟主得佐天子祀羣神韓子祀夏郊祀晉

侯有閒閒差也○差初賣反賜子產莒之二方鼎方鼎莒所貢

子產為豐施歸州田於韓宣子豐施鄭公孫段之子三年晉以

州田賜段○為干偽反曰日君以夫公孫段為能任其事

而賜之州田今無祿早世不獲久享君德其子

弗敢有不敢以聞於君私致諸子此年正月公孫段卒○夫

音扶任音宣子辭子產曰古人有言曰其父析

薪其子弗克負荷荷擔也以微薄喻貴重○荷河可反○荷反施將

懼不能任其先人之祿其况能任大國之賜縱

吾子為政而可。後之人若屬有疆場之言。敝邑

獲戾。恐後代宣子者將以鄭取晉邑罪鄭。屬音燭。而豐氏受其大討。

吾子取州。是免敝邑於戾。而建置豐氏也。敢以

為請。傳言子產真而不諒。宣子受之。以告晉侯。晉侯以與

宣子。宣子為初言。病有之。初言謂與趙文子爭州田。以易原

縣於樂大心。樂大心宋大夫原晉邑以賜樂大心。

國語鄭簡公使公孫成子來聘。簡公僖公之子嘉也。成子子產

之謚鄭穆公之孫子國之子。平公有疾。韓宣子贊授客館。贊

也。客問君疾。對曰。寡君之疾久矣。上下神祇無

不偏諭也。諭謂祭祀告謝也。而無除。今夢黃能入於寢

門。能奴來切。夢公夢也能似熊。不知人殺乎。抑厲鬼耶。人殺主殺

人厲鬼也。子產曰。以君之明。子為大政。其何厲之

有。大政美大之政。僑聞之。子產名。昔者鯀違帝命。殛之於

羽山。帝堯也。殛放殛而殺之。化為黃能。以入於羽淵。羽山淵

鯀既死而神化也。實為夏郊。禹有天下而郊祀之。三代舉之。舉謂不廢

其夫鬼神之所及。言凶所及。非其族類。則紹其同位。

紹繼也。殷周祀之是也。是故天子祀上帝。上帝天也。公侯祀百

辟。以死勤事功。施於民者。自卿以下。不過其族。族親也。今周

室少卑。晉實繼之。謂為盟主統諸侯也。其或者未舉夏郊

邪。宣子以告祀夏郊。為周祀也。董伯為尸。董伯晉大夫神不歆

非類則董伯其五日。公見子產。祭後五日平公

奴姓乎尸主也。賜之莒鼎。莒鼎出於莒也。傳曰賜子產莒之二方鼎。方鼎鼎方上也。

左傳附錄鄭人相驚以伯有。曰。伯有至矣。則皆

走。不知所往。襄三十年鄭殺伯有言其鬼至。鑄刑書之歲二月

在前也。或夢伯有介而行。介甲也。曰。壬子。余將殺帶

也。駟帶助子皙殺伯有。壬子六年三月三日。明年壬寅。余又將殺段

也。公孫段豐氏黨。壬寅此年正月二十八日。及壬子。駟帶卒。國人益

懼。齊燕平之月。此年正月。壬寅。公孫段卒。國人愈懼。

其明月。子產立公孫洩及良止以撫之。乃止。公孫洩子孔之子也。襄十九年鄭殺子孔。良止伯有子也。立以為大夫。使有宗廟。子大叔

問其故。子產曰。鬼有所歸。乃不為厲。吾為之歸

也。大叔曰。公孫洩何為。子孔不為厲。問何為復立洩。子產曰。

說也。為身無義而圖說。伯有無義。以妖鬼故立之。恐惑民。并立洩。使若

自以大義存誅絕之後者。以從政。有所反之。以

取媚也。民不可使知之。故治政不媚不信。說而

不信。民不從也。及子產適晉。趙景子問焉。景子

晉中軍佐趙成曰伯有猶能為鬼乎。子產曰能。人生始

化曰魄。魄形也。既生魄。陽曰魂。陽神氣也。用物精多則

魂魄強。物權勢也。是以有精爽。至於神明。爽明也。匹夫

匹婦強死。其魂魄猶能馮依於人。以為淫厲。強死

不病也。人謂匹夫匹婦賤身。強其丈夫反下同。况良霄。我先君穆公之

胄。子良之孫。子耳之子。敝邑之卿。從政三世矣。

鄭雖無腆。腆厚也。○子良公子去疾生子耳公孫輒輒生伯有良霄三世為鄭卿。

抑諺曰。蕞爾國。蕞小貌。○在昷反。而三世執其政柄。其

用物也弘矣。其取精也多矣。其族又大。所馮厚

矣。良霄魂魄所馮者貴重。而強死。能為鬼。不亦宜乎。傳言子產

之博○子皮之族。飲酒無度。相尚以奢相困以酒。故馬師

氏與子皮氏有惡。馬師氏公孫鉏之子罕朔也。襄三十年馬師頡出奔公孫

鉏代為之馬師與子皮俱同一族。齊師還自燕之月。在此年二月。罕

朔殺罕魍。魍子皮弟。罕朔奔晉。韓宣子問其位於子

產。問朔可使在何位。子產曰。君之羈臣。苟得容以逃死。

何位之敢擇。卿違從大夫之位。謂以禮去者降位一等。罪

人以其罪降。罪重則降多。古之制也。朔於敝邑。亞大

夫也。其官馬師也。大夫位馬師職。獲戾而逃。唯執政所

真之得免其死。為惠大矣。又敢求位。宣子為子

產之敏也。使從嬖大夫。為子產故使降一等不

秋八月戊辰衛侯惡卒。杜元年大夫盟于號

左傳秋八月。衛襄公卒。晉大夫言於范獻子曰。

衛事晉為睦。睦和也。晉不禮焉。庇其賊人而取其

地。賊人孫林父其地戚也。故諸侯貳。詩曰。鷓鴣在原。兄弟

急難。詩小雅鷓鴣鷓鴣渠也飛則鳴行則搖喻兄弟相救於急難不可自舍○難乃且反

又曰。死喪之威。兄弟孔懷。威畏也言有死喪則兄弟宜相懷思

弟之不睦。於是乎不弔。不相弔也。況遠人誰敢歸之。

今又不禮於衛之嗣。嗣新君也。衛必叛我。是絕諸侯

也。獻子以告韓宣子。宣子說。使獻子如衛弔。且

反戚田。傳言戚田所由還衛○說音悅。衛齊惡告喪于周。且請

命。王使成簡公如衛弔。簡公王卿士也。且追命襄公。曰。

叔父陟恪。在我先王之左右。以佐事上帝。陟登也恪

敬也帝天也叔父謂襄公命如今之哀策。余敢忘高圉亞圉。二圉周之先也

為殷諸侯亦受殷王追命者

穀梁鄉曰。衛齊惡。在元年○鄉香亮反。今日衛侯惡。此何

為。君臣同名也。君子不奪人名。不奪人親之所

名重其所以來也。王父名子也。不奪人名謂親之所名明臣雖欲改君不當聽也君不聽臣易名者欲使重父命也父受命名于王父王父卒則聽王父之命之名

九月公至自楚

左傳 九月公至自楚。孟僖子病不能相禮。不能相儀

答郊勞以乃講學之。講習也苟能禮者從之。及其

將死也。二十四年孟僖子卒傳終言之召其大夫。僖子屬大夫曰禮

人之幹也。無禮無以立。吾聞將有達者。曰孔丘

僖子卒時孔丘年三十五聖人之後也。聖人殷湯而滅於宋。孔子六代

祖孔父嘉為宋督所殺其子奔魯其祖弗父何以有宋而授厲

公。弗父何孔父嘉之高祖宋閔公之子厲公之兄何適嗣當立以讓厲公及正考

父。弗父何曾孫佐戴武宣。三人皆宋君三命茲益共。三命上卿

也言位故其鼎銘云。考父廟一命而僂再命而

僂三命而俯。俯共於僂僂共於僂循牆而走

言不敢亦莫余敢侮。其共如是人饘於是鬻於

是以餬余口。於是鼎中為饘鬻饘鬻餬屬言其

其也如是。臧孫紇有言。紇武仲也曰聖人有明德者

若不當世。其後必有達人。聖人之後有明德而不當大位謂正考父

今其將在孔丘乎。我若獲沒，得以壽終必屬說與何

忌於夫子使事之。說南宮敬叔何忌孟懿子皆

而學禮焉以定其位。知禮則位安故孟懿子與南宮

敬叔師事仲尼。仲尼曰：能補過者君子也。詩曰：

君子是則是效。詩小雅孟僖子可則效已矣。而

左傳附錄單獻公棄親用驕。獻公周卿士單靖公之子頃公之孫

○單音善冬十月辛酉，襄頃之族殺獻公而立

成公。襄公頃公之父成公獻公弟。頃音傾。

冬十有一月癸未，季孫宿卒。

左傳十一月，季武子卒。晉侯謂伯瑕，伯瑕士曰

吾所問日食從矣，可常乎？衛侯武子皆卒故對曰：不可。

六物不同。各異時民心不壹。政教殊事序不類。有變易

官職不則。治官居職非一法同始異終。胡可常也。詩曰：

或燕燕居息，或憔悴事國。詩小雅言不同。憔悴在遙反。詩作盡。其

異終也。如是，公曰：何謂六物？對曰：歲時日月星

辰是謂也。公曰：多語寡人。辰而莫同，何謂辰？對

曰：日月之會，是謂辰。一歲日月十二會所會謂之辰。○語魚據反。故

以配日。謂以子丑配甲乙。

十有二月癸亥葬衛襄公

何當時而日者世子輒有惡疾不早廢之臨死

乃命臣下廢之自下廢上鮮不為亂故危錄之○當丁浪反又如字

左傳 衛襄公夫人姜氏無子

宣姜嬖人媯始生

孟縶孔成子夢康叔為已立元

成子衛卿孔達之孫烝鉏也元

孟縶弟夢時元未生○媯音周始烏答反縶張立反

余使羈之孫圉與史

苟相之

羈烝鉏子苟史朝子

史朝亦夢康叔謂已余將命

而子苟與孔烝鉏之曾孫圉相元史朝見成子

告之夢夢協

協合也

晉韓宣子為政聘于諸侯之

歲

在二年

媯始生子名之曰元孟縶之足不良弱

行

也孔成子以周易筮之曰元尚享衛國至其

社稷

辭令著

遇屯

震下坎上屯

又曰余尚立縶尚

克嘉之

嘉善也

遇屯

坤下坎上比

之比

○此音鼻

以示史朝史朝曰元亨又何疑焉周易曰屯元亨

成子曰非長之謂乎

言屯之元亨謂年長非謂名元○長丁丈反下同

對曰康叔名之可謂長矣

善之長也

孟非人也將不

列於宗不可謂長

足跛非全人不可列為宗主

且其繇曰利

建侯

繇卦辭○繇直又反

嗣吉何建建非嗣也

嗣于有常位故無所

卜又無所建今以位不定卜嗣得吉則當從吉而建之也

二卦皆云

有建侯之文。子其建之。康叔命之。二卦告之。筮襲於

夢。武王所用也。弗從何為。外傳云大誓曰朕夢

商必克此弱足者居。跛則偏弱居侯主社稷。臨

祭祀。奉民人。事鬼神。從會朝。又焉得居。各以所

利。不亦可乎。孟跛利居故孔成子立靈公。十二

月癸亥。葬衛襄公。靈公

景王十一年八年。晉平二十四齊景十四衛靈公元元

一陳哀三十五卒杞平二宋平四十二秦哀三楚靈七吳夷昧十

左傳附錄八年春。石言于晉魏榆。魏榆。晉侯問

於師曠曰。石何故言。對曰。石不能言。或馮焉。謂

精神馮依不然。民聽濫也。濫失也。抑臣又聞

石而言之。抑疑曰。作事不時。怨讟動于民。則有非言之

物而言。今宮室崇侈。民力彫盡。彫傷怨讟竝作。

莫保其性。性命也。民不敢石言不亦宜乎。於是

晉侯方築虎祁之宮。虎祁地名在絳西四十叔

向曰。子野之言。君子哉。子野師君子之言。信而

有徵。故怨遠於其身。怨答遠其身也小人之言

僭而無徵。故怨咎及之。詩曰。哀哉不能言。匪舌

是出唯躬是瘁

詩小雅也。不能言謂不知言。理出以僭而無信自取瘁。見退者其言非不從。吾

病故哀之。出尺遂反。

哿矣能言。巧言如流。俾

躬處休。其是之謂乎。

哿嘉也。巧言如流。謂非正言。其可嘉以信而有微。自取安逸。師曠此言。緣

問流轉終歸于諫。故以比巧言如流也。當叔向

是宮也。成諸侯必叛。君

時詩義如此。故與今說。詩者小異。○哿古可反。

必有咎。夫子知之矣。

謂十年晉侯彪卒傳。

春陳侯之弟招殺陳世子偃師。

杜以首惡從殺例。故稱弟。又稱世子。

○招常遙反。何說在元年。變其言。陳者起招致楚滅陳自此始。故重舉國。

左傳陳哀公元妃鄭姬生悼太子偃師。元妃嫡夫人也。

二妃生公子留下。妃生公子勝。二妃嬖。留有寵

屬諸司徒招。與公子過。

招及過皆哀公弟也。○屬音屬。獨哀公有

廢疾。

○廢甫肺反。

三月甲申。公子招公子過殺悼太

子偃師。而立公子留。

穀梁鄉曰。陳公子招。

在元年。

今日陳侯之弟招。何

也。曰。盡其親。所以惡招也。

蓋其親謂既稱公子。又稱弟。招先君之公

子。今若之母弟。○惡烏路反。

兩下相殺。不志乎春秋。此其志

何也。世子云者。唯君之貳也。云可以重之存焉。

心之也。諸侯之尊。兄弟不得以屬通。其弟云者。

親之也親而殺之惡也惡招

胡傳此公子招特以弟稱者著招憑寵稔惡而陳侯失親親之道也招以公子為司徒乃貴戚之卿親則介弟尊則叔父號令廢立自已而出莫敢干之者也不能援立嫡冢安靖國家而逢君之惡戕殺偃師以致大寇宗社覆沒罪固大矣陳侯信愛其弟何以為失親親乎尊賢者親親之本不能擇親之賢者厚加尊寵以表儀公族而徇其私愛施於不令之人以至亡國敗家豈不失親親之道乎其曰陳侯之弟招殺陳世子偃師交貶之也戕在良反


夏四月辛丑陳侯溺卒杜襄二十七年大夫盟于宋○溺乃歷反

左傳夏四月辛亥哀公縊憂患自殺經書辛丑從赴○患一睦反

叔弓如晉賀宮游吉相鄭伯以

如晉亦賀虢祁也史趙見子大叔曰甚哉其相蒙也蒙欺也○相息亮反下相吾室同可弔也而又賀之子大

叔曰若何弔也其非唯我賀將天下實賀言諸侯畏



晉非
獨鄭

楚人執陳行人于徵師殺之

杜稱行人明非行人
罪范于姓徵師各

左傳于徵師赴于楚

于徵師
陳大夫

且告有立君公子

勝愬之于楚

以招過殺偃
師告愬也

楚人執而殺之

殺于
徵師

公子留奔鄭書曰陳侯之弟招殺陳世子偃師

罪在招也楚人執陳行人于徵師殺之罪不在

行人也

疑為招赴楚當
同罪故重發之

穀梁稱人以執大夫執有罪也稱行人怨接於

上也

陳公子留出奔鄭

杜留為招所立
未成君而出奔

秋蒐于紅

杜革車千乘不言大者經文闕也紅魯
地沛國蕭縣西有紅亭遠疑○沛音貝

○書蒐
始此

左傳秋大蒐于紅自根牟至于商衛革車千乘

大蒐數君實簡車馬也根牟魯東界琅邪陽都
縣有車鄉商宋地魯西竟接宋衛也言千乘明
大蒐且見魯
襄之大數也

公羊蒐者何簡車徒也

徒
衆何以書蓋以罕書也

說在桓
六年

穀梁正也

常事不書而此書者以後比
年大蒐失禮因此以見正

因蒐狩

以習用武事禮之大者也艾蘭以為防蘭香草也防為

田之置旃以為轅門旃旌旗之名周禮通帛旃轅門即車以其轅表門

大限以葛覆質以為檠質檠也檠門中臬葛或為褐

本又作昂流旁握御擊者不得入流旁握謂車兩轆頭

列反樞張林各去門邊空握握四寸也擊挂則不得入門車

反臬魚列反執塵塵不馬候蹄發足相應掩禽旅掩取御者

不失其馳然後射者能中不失馳謂之節過防

弗逐不從奔之道也戰不逐面傷不獻嫌誅不

成禽不獻惡虐幼小禽雖多天子取三十焉惡鳥路反

其餘與士眾以習射于射宮取三十以其教

音恭射而中出不得禽則得禽田得禽而射

不中則不得禽是以知古之貴仁義而賤勇力

也射以不爭為

胡傳蒐春事也秋興之則違天時有常所矣其

于紅則易地利三家專行公不與焉而兵權在

臣下則悖人理此亦直書其事不待貶絕而自

見者也凡亂臣之欲竊國命必先為非禮以動

民而後上及於君父昭公至是民食於他不恤

其所昧於履霜之戒甚矣。

左傳附錄 七月甲戌齊子尾卒子旗欲治其室

子旗樂施也欲并治于尾之家政 丁丑殺梁嬰梁嬰子尾家宰 八月庚

戌逐子成子工子車三子齊大夫子尾之屬子成頃公子固也子工成之弟鑄也子車頃公之孫捷也 皆來奔不書非卿 而立子良氏之宰

子良子尾之子高疆也子旗為子良立宰 其臣曰孺子長矣孺子謂子良

而相吾室欲兼我也兼并也 授甲將攻之陳桓子

善於子尾亦授甲將助之或告子旗子旗不信

則數人告將往又數人告於道遂如陳氏桓子

將出矣聞之而還聞子旗至 游服而逆之去戎能著常游戲之

服請命問桓子 對曰聞疆氏授甲將攻子子聞

諸曰弗聞子盍亦授甲無字請從無字桓子名從才朋友

子旗曰子胡然彼孺子也吾誨之猶懼其不濟

吾又寵秩之謂為之立宰 其若先人何子盍謂之謂

使無攻我 周書曰惠不惠茂不茂周書康誥也言當施惠於不惠者勸勉於不勉者茂勉也

康叔所以服弘大也服行也 桓子稽顙

曰頃靈福子頃公靈公樂氏所事之君 吾猶有望望子旗惠及已 遂

和之如初和樂高二家

陳人殺其大夫公子過莊與招共殺偃師書各罪之。過占禾反。

左傳陳公子招歸罪於公子過而殺之言招所以不死

而得

大雪莊不旱而秋雪過也。何先是公如楚半。年乃歸費多賦重所致。費芳味反。

冬十月壬午楚師滅陳執陳公子招放之于越殺

陳孔奐奐公作瑗。莊不稱將帥不以告王。十月十八日復稱公子兄已卒。孔奐招之黨楚殺之。復扶反。

反與呼亂反

左傳九月楚公子棄疾帥師奉孫吳圍陳孫吳

子偃師是。子惠公。戴惡會之。戴惡宋大夫。冬十一月壬午

滅陳壬午十月十八日。傳言十一月誤。興嬖袁克殺馬毀玉以

葬興與衆也。袁克嬖人之貴者。欲以非禮厚葬袁公也。楚人將殺之請寘

之置馬。玉。既又請私私盡君。臣恩。私於幄加絰於顙而

逃幄幄也。逃不。欲為楚臣。使穿封戌為陳公戌楚大夫滅陳為縣使戌

為縣。公。曰城麋之役不譎城麋役在襄二十六年。戌與靈王爭皇頡。麋

九倫反。侍飲酒於王。王曰城麋之役女知寡人之

及此女其辟寡人乎。及此謂為王。女音汝。對曰若知君

之及此臣必致死禮以息楚息寧。靜也。晉侯問於史

趙曰陳其遂亡乎對曰未也公曰何故對曰陳

顓頊之族也。陳祖舜舜出顓頊歲在鶉火。是以卒滅陳。

將如之。顓頊氏以歲在鶉火而滅火盛而水滅今在析木之津。猶

將復由。箕斗之間有天漢故謂之析木之津由用也且陳氏得政於

齊而後陳卒亡。物莫能兩盛自幕至于瞽瞍無違命。

幕舜之先瞽瞍舜父從幕至瞽瞍間無違天命廢絕者舜重之以明德。寘

德於遂。遂舜後蓋股之與存舜之後遂世守之。

及胡公不淫。故周賜之姓。使祀虞帝。胡公滿遂之後也事

周武王賜姓曰媯封諸陳紹舜後臣聞盛德必百世祀。虞之世

數未也。繼守將在齊。其兆既存矣。言陳氏興盛於齊形兆已

見

穀梁惡楚子也。惡其滅人之國放有罪之人反殺無辜之臣故實是楚子而言

師

葬陳哀公。杜夔人袁克葬之曾往會故書何日者疾詐諉滅人也不舉滅為重復書三事

言執者疾諉託義故列見之託義不先書者本懷滅心重舉陳者上已言滅不復重舉無以明

○諉况元反見賢徧反

穀梁不與楚滅閔公也。滅國不葬滅楚夷狄以無道滅之故書葬以存

陳

景王十九年。晉平二十五齊景十五衛靈二蔡靈二年鄭簡三十三曹武二十二陳滅杞

宋火五皇公昭公

平三宋平四十三秦哀
四楚靈八吳夷昧十一

春叔弓會楚子于陳

杜以事往非行會禮何陳已滅復見者從地名錄猶宋郟

以邑錄不舉小地者顧後當存

左傳九年春叔弓宋華亥鄭游吉衛趙厲會楚

子于陳

楚子在陳故四國大夫往非盟主所召不行會禮故不總書○厲於滅反

許遷于夷

杜許畏鄭欲遷故以自遷為文范以自遷為文而地者許復見也夷許地徐邈

日許十八年又遷于白羽許比遷徙所都無常居處薄淺如一邑之移故略而不月不得從國

遷常例

左傳二月庚申楚公子棄疾遷許于夷實城父

此時收城父為夷故傳實之城父縣屬譙郡取州來淮北之田以益

之田益許伍舉授許男田然丹遷城父人於陳以

夷濮西田益之

以夷田在濮水西者與城父人

遷方城外入於

許成十五年許遷於葉因謂之許今許遷於夷故以方城外入實其處傳言靈王使民不安

涉反

左傳附錄周甘人與晉闔嘉爭闔田

甘人甘大夫襄也闔

嘉晉闔縣大夫

晉梁丙張趯率陰戎伐潁

陰戎陸渾之戎潁周邑○

趯他歷反

王使詹桓伯辭於晉

辭責讓之桓伯周大夫

曰我自

夏以后稷魏駘芮岐畢吾西土也

在夏世以后稷功受此五

國為西土之長駘在始平武功縣所治釐城岐
在扶風美陽縣西北○駘他來反芮如銳反釐
他來及武王克商蒲姑商奄吾東土也樂安博昌縣北

有蒲姑城○蒲巴濮楚鄧吾南土也蕭慎燕亭

吾北土也蕭慎北夷在玄吾何邇封之有邇近也

文武成康之建母弟以藩屏周亦其廢隊是為

為後世廢隊兄弟之國當救濟之○隊音墜為去聲豈其弁髦而因以敝

之童子垂髦始冠必三加冠成禮而弁其始冠故言弁髦因以敝之弁亦冠也○始冠去聲

先王居檇杙于四裔以禦螭魅言檇杙畧舉四凶之一下言四

裔則三苗故允姓之姦居于瓜州允姓陰戎之裔則三苗祖與三苗俱在其中

放三危者瓜州今燉煌伯父惠公歸自秦而誘以來僖十五年

晉惠公自秦歸二十二年使偪我諸姬入我郊

甸則戎焉取之邑外為郊郊外為甸言戎取戎周郊甸之地○焉於虔反

有中國誰之咎也咎在晉后稷封植天下今戎制

之不亦難乎后稷修封疆殖五穀今戎得之唯以畜牧伯父圖之我

在伯父猶衣服之有寇冕木水之有本原民人

之有謀主也民人謀主宗族之師長伯父若裂寇毀冕拔

本塞原專棄謀主雖戎狄其何有余一人伯父猶然

則雖戎狄無所可責晉率陰戎伐周邑故云然叔向謂宣子曰文之伯



也豈能改物

言文公雖霸未能改正

翼戴天子

而加之以共

翼佐也

自文以來世有衰德而暴滅

宗周

宗周天子

以宣示其侈諸侯之貳不亦宜乎且

王辭直子其圖之宣子說王有姻喪

外親之喪

使趙成如周弔且致闔田與禭

禭送死衣

及賴俘王

亦使賓滑執甘大夫襄以說於晉晉人禮而歸

之

賓滑周大夫

國語附錄

叔向見韓宣子宣子憂貧叔向賀之

宣子曰吾有卿之名而無其實實財也無以從二

三子

從隨也隨其賄贈之屬

吾是以憂子賀我何故對曰

昔欒武子無一卒之田

上大夫一卒之田欒書為晉上卿而又不

其官不備其宗器

宗宗官祭祭器

宣其德行順其憲則

使越於諸侯

越發聞也

諸侯親之戎狄懷之

懷歸也

以

正晉國行刑不疚

疚病也

以免於難

免殺君之難

子驕泰奢侈貪欲無執

執極也桓子欒書之子歷也

畧則行

志

畧犯也則法也

假貸居賄

居蓄也

宜及於難而賴武之

德以沒其身及懷子改桓之行而修武之德

懷子

桓子之

可以免於難而離桓之罪以亡於楚

也夫郤昭子昭子郤至也其富半公室其家半三軍

恃其富寵以泰於國奢泰於國其身尸於朝其宗滅

於絳不然夫八郤五大夫三卿三卿郤錡郤至郤犇又有五人

為大夫其寵大矣一朝而滅莫之哀也唯無德也

今吾子有樂武子之貧吾以為能其德矣能行其德

是以賀若不憂德之不建而患貨之不足將弔

不暇何賀之有宣子拜稽首焉曰起也將亡賴

子存之非起也敢專承之其自桓叔以下嘉吾

子之賜桓叔韓氏之祖曲沃桓叔也桓叔生子子萬受韓以為大夫是為韓萬

夏四月陳災

災公穀作火杜天火曰災陳既已滅降為楚縣而書陳災者猶晉之梁山

沙鹿崩不書晉災害繫於所災所害故以所在為名

左傳夏四月陳災鄭裨竈曰五年陳將復封封

五十二年而遂亡子產聞其故對曰陳水屬也

陳顛頊之後故為水屬○復扶又反下同火水妃也火畏水故為之妃○妃平聲一

音配而楚所相也相治也楚之先祝融為高辛氏火正主治火事○相息亮反

今火出而火陳火心星也火出於周為五月而

置閏逐楚而建陳也水得妃而興陳與則楚妃以

五成故曰五年妃合也五行各相妃合得五年成故五歲而陳復封為十三年

陳侯吳歸于陳傳○如音配歲五及鶉火而後陳卒亡。楚克

有之。天之道也。故曰五十二年。是歲歲在星紀五歲及大梁而

陳復封自大梁四歲而及鶉火後四周四十八歲凡五及鶉火五十二年天數以五為紀故五

及鶉火火盛水衰

公羊陳已滅矣。其言陳火何。據災異為有國者戒存陳也。

陳已滅復火者死灰復燃之象也曰存陳。憐矣。據災非一天書火存陳者若曰陳為曷為存陳。意曷為悲陳

天所存悲之○憐音希曷為存陳。據災非一天

而存滅人之國。執人之罪人。罪人殺人之賊。孔

弑君也葬人之君。若是。則陳存。憐矣。楚為無道託討賊行義陳

臣子辟門虛心待之而滅其國若此則天存之者悲之也不書孔瑗弑君者本為招弑當舉招為重方不與楚討賊故沒招正賊文以將與上貶起之月者閔之○辟婢亦反本為于偽反

穀梁國曰災。邑曰火。火不志。此何以志。閔陳而

存之也。陳已滅矣猶書火者不與楚滅也不可以方全國故不云災何休曰月者閔之


胡傳凡外災告則書。今楚已滅陳。夷於屬縣。使

穿封戌為公矣。必不遣使告於諸侯。言亡國之

有天災也。何以書於魯國之策乎。當是時。叔弓

與楚子會于陳。則目擊其事矣。雖彼不來告。此

不往弔。叔弓使畢而歸。語陳故也。魯史遂書之。



耳。或曰。國史所書。必承赴告。豈有憑使人之言而載之於史者。曰。周景王崩。有尹單猛朝之變。固無赴告矣。叔鞅至自京師。言王室之亂也。春秋承其言。遂書於策。亦此類耳。仲尼作經。存而弗革者。蓋興滅國。繼絕世。以堯舜三代公天下之心。為心。異於孤秦。罷侯置守。欲私一人以自奉者。所以歸民心。合天德也。穀梁以為存陳。得其旨矣。

左傳附錄 音荀盈如齊逆女。自為逆。○還。六月。

卒于戲陽。魏郡內黃縣北有戲陽城。○戲許宜反。殯于絳。未葬。晉

侯飲酒樂。膳宰屠蒯趨入。請佐公使尊。公之使人執尊。

酌酒請為之佐。○許之。公許而遂酌以飲工。

樂音洛。蒯苦怪反。○許之。公許而遂酌以飲工。樂師師曠也。○飲於鵠反下同。曰。女為君耳。將司聰也。樂所以聰耳。○

女音汝。下皆同。辰在子卯。謂之疾日。疾惡也。紂以甲子喪桀。以乙卯亡故。

國君以為忌日。君徹宴樂。學人舍業。為疾故也。君之卿

佐。是謂股肱。股肱或虧。何痛如之。言痛疾過於忌日。○舍音

捨為于偽。反下同。女弗聞而樂。是不聰也。不聞是義。而作樂。又

飲外嬖。嬖叔。外都大夫。嬖者。曰。女為君目。將司明也。



職在外服以旌禮旌表也禮以行事事政令事有其

物物類也物有其容容貌也今君之容非其物也卿

佐之喪而作樂歡會故曰非其物而女不見是不明也亦自飲

也曰味以行氣氣以實志氣和則志克志以定言在

為志發言為言言以出令臣實司味二御失官而君弗

命臣之罪也工與嬖叔侍御君者失官不聰明公說徹酒初公

欲廢知民而立其外嬖為是悛而止說音悅知音智下

同悛七全反秋八月使荀躒佐下軍以說焉躒荀盈之子知

文子也佐下軍代父也說自解說○躒力狄反

秋仲孫矍如齊矍伊縛反

左傳孟僖子如齊殷聘禮也自叔老聘齊至今二十年禮意久曠

今修盛聘以無忘舊好故曰禮

冬築郎囿

左傳冬築郎囿書時也季平子欲其速成也叔

孫昭子曰詩曰經始勿亟庶民子來詩大雅言文王始經

營靈臺非急疾之眾民自以子義來勸樂為之○樂音洛焉用速成其以勦

民也勦勞也○勦初交反無囿猶可無民其可乎

景王十年晉平二十六年齊景十六衛靈二十三蔡

三年靈十一鄭簡三十四曹武二十三陳

滅杞平四宋平四十四卒秦哀五楚靈九吳夷昧十二

春王正月

左傳附錄十年春王正月有星出于婺女客星也

書非亭○字蒲對反鄭裨竈言於子產曰七月戊子晉君

將死今茲歲在顛頊之虛歲星也顛頊之虛謂玄枵○虛起魚反

姜氏任氏實守其地姜齊姓任薛姓齊薛二國守玄枵之地居其

維首而有妖星焉告邑姜也官星居玄枵之維首邑姜齊大公女

晉唐叔之母星占婺女為既嫁之女織女為處女邑姜齊之既嫁女妖星在婺女齊得歲故知

禍歸邑姜晉之妣也天以七紀二十八宿而七戊子逢

公以登星斯於是乎出逢公將死妖星出婺女

時非歲星所在故齊自當禍而以戊子日卒吾是以譏之為晉侯彪卒傳

夏齊欒施來奔齊公作晉杜耆酒好內以取敗亡故書名

左傳齊惠欒高氏皆耆酒欒高二族皆出惠公信內多怨

說婦人言故多怨疆於陳鮑氏而惡之惡陳鮑○惡鳥路反夏有

告陳桓子曰子旗子良將攻陳鮑亦告鮑氏桓

子授甲而如鮑氏遭子良醉而聘欲及子良醉故驅告鮑文

子遂見文子文子鮑國則亦授甲矣使視二子二子子旗

良則皆將飲酒桓子曰彼雖不信彼傳言者聞我授

甲則必逐我及其飲酒也先伐諸陳鮑方睦遂

伐欒高氏子良曰先得公陳鮑焉往欲以公遂

伐虎門欲入公不聽晏平仲端委立于虎門之

外端委朝服四族召之無所往四族欒其徒曰助陳

鮑乎曰何善焉言無善義可助助欒高乎曰庸愈乎罪惡

不差於陳鮑然則歸乎曰君伐焉歸公召之而

後入公卜使王黑以靈姑鉅率吉請斷三尺焉

而用之王黑齊大夫靈姑鉅公旗名斷三尺不

管敢與君同五月庚辰戰于稷稷祀后稷之處欒高敗又敗諸莊

疆來奔高疆不書非卿陳鮑分其室晏子謂桓子必致

諸公讓德之主也讓之謂懿德凡有血氣皆有

爭心故利不可強不可強取思義為愈義利

之本也蓋畜也孽妖害姑使無蓋乎

可以滋長桓子盡致諸公而請老于莒莒齊邑

桓子召子山子山子商子周襄三十一年子尾所逐羣公子私具幄

幕器用從者之衣屨私具不而反棘焉棘子山

子商亦如之而反其邑子周亦如

有戟里亭國西安縣東子商亦如之而反其邑子周亦如

莊六軌國人追之又敗諸鹿門鹿門齊城門欒施高

春秋五傳卷三十一二十年 昭公 五十二

之而與之夫子。子周本無邑故更與之濟南於陵縣西北有于亭反子

城子公公孫捷。子旗所逐而皆益其祿。凡公子

公孫之無祿者。私分之邑。桓子以已國之貧約

孤寡者。私與之粟。曰。詩云。陳錫載周。能施也。詩大

雅言文王能布陳大利以賜天下行之周徧○施始豉反。桓公是以霸。齊桓公亦

能施以公與桓子莒之旁邑。辭。讓不穆孟姬為

之請高唐。陳氏始大。穆孟姬景公母傳言陳氏所以興

秋七月季孫意如叔弓仲孫矍帥師伐莒。意如公作隱如

後同杜三大夫皆卿故書之季孫為主二子從之

左傳秋七月平子伐莒取郟。郟莒邑取郟不書公見計於平丘魯

諱之○獻俘始用人於亳社。以人祭陰社臧武仲在

齊聞之曰。周公其不饗魯祭乎。周公饗義。魯無


義。詩曰。德音孔昭。視民不佻。詩小雅佻偷也言明德君子必愛民

○佻他彫反佻之謂甚矣。而壹用之。將誰福哉。壹同也同

人於畜牲胡傳前已舍中軍矣。曷為猶以三卿竝將乎。季

氏毀中軍四分公室。擇其二。二家各有其一。至

是季孫身為主將。二子各率一軍為之副。則三



軍固在其曰舍之者。特欲中分魯國之衆。爲已私耳。以爲復古。則誤矣。襄公以來。既作三軍。地皆三家之土。民皆三家之兵。每一軍出。各將其所屬。而公室無與焉。是知雖舍中軍。而三卿並將。舊額固存矣。將去聲。與音預。

戊子晉侯彪卒。杜五。同盟。

左傳戊子晉平公卒。如裨竈之言。鄭伯如晉。及河。晉

人辭之。游吉遂如晉。禮諸侯不相弔。故辭。

九月叔孫舍如晉葬晉平公。杜三月而葬。速范。姓如晉而月者。爲葬晉。

平公起

左傳九月叔孫婁齊國弱。宋華定衛北宮喜鄭

罕虎許人曹人莒人邾人滕人薛人杞人小邾

人如晉葬平公也。經不書諸侯大夫者。非盟會。鄭子皮將以

幣行。見新君之贄。見音現。子產曰。喪焉用幣。用幣必百兩。

載幣用車百乘。百兩必千人。千人至將不行。行用也。不行。

必盡用之。不得見新君。將自費用盡。幾千人而國不亡。言十人之

費不可數。幾音紀。數所角反。子皮固請以行。既葬。諸侯之大

夫欲因見新君。叔孫昭子曰。非禮也。勿聽。叔向

辭之曰大夫之事畢矣禮畢而又命孤孤斬焉

在衰經之中既葬未卒哭故猶服斬衰其以嘉服見則喪禮

未畢其以喪服見是重受弔也大夫將若之何

皆無辭以見子皮盡用其弊歸謂子羽曰非知

之實難將在行之言不患不知患不能行夫子知

之矣我則不足言已由子產之戒既知其不足書

曰欲敗度縱貶禮書我之謂矣夫子知度與禮

矣我實縱欲而不能自克也欲因喪以慶新君故縱而行之不能

自勝勝音升昭子至自晉大夫皆見高疆見而退高疆

良昭子語諸大夫曰為人子不可不慎也哉昔

慶封亡子尾多受邑而稍致諸君君以為忠而

甚寵之將死疾于公宮在公宮被疾輦而歸君

親推之推其車而送之其子不能任是以在此

忠為令德其子弗能任罪猶及之難不慎也喪

夫人之力棄德曠宗以及其身不亦害乎謂子

尾曠音尾曠空也任詩曰不自我先不自我後其是

之謂乎詩小雅言禍亂不在他正當已身以喻高疆身自取此禍

十有一月甲子宋公成卒成公作成杜十一同盟也無冬史闕文成音

城或音戌何去冬者蓋昭公取吳孟子之年故
貶之○宋戌註左傳者音成何云向戌與君同
名則宜音恤范不
書冬寧所未詳

左傳冬十二月宋平公卒初元公惡寺人柳欲

殺之元公平公大子佐及喪柳熾炭于位以温

將至則去之使公坐其處比葬又有寵言元公

常

其謂之樂與與于公宮

與桂于于鼠受邑而歸

于鼠于鼠請大夫曰為人于于

春秋四家五傳平文卷三十三

仁和張岐然秀初手輯

錢塘吳漢翊舉遠叅閱

昭公三

景王十有一年晉昭公夷元年齊景十七衛靈

武二十四陳滅杞平五宋元公佐

春王二月叔弓如宋葬宋平公二月公作正月范

申生故不書葬宋平公殺世子痤而書葬何乎
何休曰痤有罪故也痤之罪寧所未聞鄭莊公
殺弟而書葬以段不弟也何氏將以理例推之
然則段不弟也故不書弟痤若不子亦不應書

春秋五傳卷三十三昭公

世子書世子則誣之罪非不子明矣。○瘞在禾反。

左傳十一年春王二月叔弓如宋。葬平公也。以嫌

聘事行故傳具之

夏四月丁巳楚子虔誘蔡侯般殺之于申。虔殺作乾杜蔡

侯雖弑父而立楚子誘而殺之刑其羣士蔡大夫深怨故以楚子名告。○般音班。

左傳景王問于萇弘曰。今茲諸侯何實吉。何實

凶。萇弘周大夫。○萇直良反。對曰。蔡凶。此蔡侯般弑其君之

歲也。歲在豕韋。襄三、十年蔡世子般弑其君歲在豕韋至今十三歲歲復在豕

韋般即弗過此矣。言蔡凶不靈侯也。過此年楚將有之。然壅也。

蔡近楚故知楚將有之。楚無德而享大利所以壅積其惡。歲及大梁。蔡復楚

凶。天之道也。楚靈王弑立之歲歲在大梁美惡周必復

故知楚凶。楚子在申。召蔡靈侯。靈侯將往。蔡大夫曰。

王貪而無信。唯蔡於感。蔡近楚之大國故楚常恨其不服順。○感戶暗

反。今幣重而言甘。誘我也不如無往。蔡侯不可。

三月丙申。楚子伏甲而饗蔡侯於申。醉而執之。

夏四月丁巳。殺之。刑其士七十人。

公羊楚子虔何以名。據誘戎曼子不名。絕。曷為絕之。據

誘之。為其誘討之。使不自知而此討賊也。蔡侯般死故加誘。昭公

立雖誘之則曷為絕之據與莊王外懷惡而討
不義君子不予也內懷利國之心而外託討賊
也地者起以故不與其討賊而責其誘詐
好會誘之

穀梁何為名之也據諸侯夷狄之君誘中國之

君而殺之故謹而名之也稱時稱月稱日稱地

謹之也蔡侯般弑父之賊此人倫之所不容王

惡楚子殺般乎若謂夷狄之君不得行禮于中

國者理既不通事又不然宜十一年楚人殺陳

夏微舒不言入傳曰明楚之討有罪也似若上

先王之令典懷惡而討丈夫之醜行楚處滅人

之國殺人之子伐不以罪亦已明矣在王之討

徵舒則異於是矣凡罰當其罪雖夷必申苟違

斯道雖華必抑故莊王得為伯討齊侯不得滅

紀趙盾救陳則稱師以大之靈王誘蔡則書名

以惡之所以情理俱揚善惡兩顯豈直惡夷狄

之君討中國之亂哉夫楚靈王之殺蔡般亦猶

晉惠之戮里克雖伐弑逆之國誅有罪之人不

獲討賊之美而有累謹之名者良有

以也○醜行下孟反討當丁浪反

楚公子棄疾帥師圍蔡

左傳公子棄疾帥師圍蔡傳言楚韓宣子問於

叔向曰楚其克乎對曰克哉蔡侯獲罪於其君

謂弑父而不能其民不能天將假手於楚以斃

之借楚手何故不克然臍聞之不信以幸不可

再也。楚王奉孫吳以討於陳曰：將定而國，陳人聽命而遂縣之。事在八年今又誘蔡而殺其君，以圍

其國。雖幸而克，必受其咎。弗能久矣。桀克有緡

以喪其國，紂克東夷而隕其身。紂為黎之蒐，東夷叛之，桀為仍

之會有緡叛之楚小位下，而亟暴於二王，能無

咎乎？天之假助不善，非祚之也。厚其凶惡而降

之罰也。且譬之如天，其有五材，而將用之。力盡

而敝之，是以無拯，不可沒振。金木水火土五者為物，用久則必有

敝盡，盡則棄，捨故言無拯，拯猶救也。不可沒振，猶沒不可復振。亟，亟也。冀反。

胡傳左氏曰：楚子在申，召蔡侯，其大夫曰：王貧

而無信，幣重言甘，誘我也。不如無往。蔡侯不可

楚子伏甲饗般於申，執而殺之。此討賊也。雖誘

殺之，疑若無罪。春秋深惡楚子，貶而稱名，何也？

世子般弑其君，諸侯與通會盟，十有三年矣。是

中國變為夷狄，而莫之覺也。楚子若以大義倡

天下，奉詞致討，執般于蔡，討其弑父之罪，而在

官者無赦焉。討其弑君之罪，而在官者無赦焉。

殘其身，瀦其宮室，謀於蔡衆，置君而去，雖古之



征暴亂者不越此矣。又何惡乎。今虜本心欲圖其國。不為討賊舉也。而又挾欺毀信。重幣甘言。詐誘其君。執而殺之。肆行無道。貪得一時。流毒於後。棄疾以是殺戎蠻。商鞅以是給魏將。秦人以是劫懷王。傾危成俗。天下大亂。劉項之際。死者十九。聖人深惡楚虜而名之也。其慮遠矣。後世誅討亂臣者。或畏其強。或幸其弱。不以大義興師。至用詭謀詐力。微倖勝之。若事之捷。反側皆懼。苟其不捷。適足長亂。如代宗之圖思明。憲

宗之給王弁。昧於春秋垂戒之旨矣。

般音班。惡去聲。給徒

亥反。長上聲。

五月甲申夫人歸氏薨。

杜昭公母胡女歸姓。

左傳 五月齊歸薨。

大蒐于比蒲。

范夏而言蒐。蓋用秋蒐之禮。八年秋蒐于比蒲。曰正也。比月大蒐。人眾器

械有踰常禮時。有小君之喪。不譏喪蒐者。重守國之衛安。不忘危。○比音毗。

左傳 大蒐于比蒲。非禮也。

公羊 大蒐者何。簡車徒也。何以書。蓋以罕書也。

說在桓六年。

胡傳其曰大蒐越禮也。君有重喪，國不廢蒐，不
 忌君也。三綱，軍政之本。君執此以馭其下，臣執
 此以事其上。政之大本於此乎在。君有三年之
 感，而國不廢一日之蒐，則無本矣。然則君有重
 喪，喪不貳事，以簡車徒，為非禮也。乃有身從金
 革而無避者，獨何歟。曰：喪不貳事，大比而簡車
 徒，則廢其常可也。有門庭之寇，而宗廟社稷之
 存亡繫焉，必從權制而無避矣。伯禽服喪，徐夷
 並興，至于東郊，出戰之師，與築城之役，同日並

舉。度緩急輕重，蓋有不得已焉者矣。晉王克用
 薨，梁兵壓境，而莊宗決勝於夾寨。周太祖殂，契
 丹入寇，而世宗接戰於高平。若此者，君行為顯
 親，非不顧也。臣行為愛君，非不忌也。惟審於緩
 急，輕重之宜，斯可矣。度入契丹

仲孫覆會邾子盟于稷祥。公作侵羊杜稷祥地闕
 何不日者蓋諱喪盟使若議
 結善事○侵羊二傳作稷祥

左傳孟僖子會邾莊公盟于稷祥，修好禮也。蒐
 存亡之由故臨喪不宜為之盟
 會以安社稷故喪盟謂之禮 泉丘人有女，夢

以其帷幕孟氏之廟魯邑遂奔僖子其僚從之

鄰女為僚友者盟于清丘之社曰有子無相棄

也二女自僖子使助遠氏之造造副倅也遠氏

妾別居在外故僖子納泉丘人女反自稷祥宿

于遠氏生懿子及南宮敬叔於泉丘人其僚無

子使字敬叔字養也似雙生

秋季孫意如會晉韓起齊國弱宋華亥衛北宮佗

鄭罕虎曹人杞人于厥憇公作屈銀狂厥憇地闕

左傳楚師在蔡向四月晉荀吳謂韓宣子曰不

能救陳又不能救蔡物以無親物事也晉之不能

亦可知也已為盟主而不恤亡國將焉用之秋

會于厥憇謀救蔡也不書救蔡鄭子皮將行子

產曰行不遠不能救蔡也蔡小而不順楚大而

不德天將棄蔡以壅楚盈而罰之盈楚楚必亡

矣且喪君而能守者鮮矣三年王其有咎乎美

惡周必復王惡周矣元年楚子弒君而立歲在

周復於大梁晉人使狐父請蔡于楚弗許狐父

夫

胡傳按左氏楚師在蔡晉荀吳曰不能救陳又不能救蔡物無以親已為盟主而不恤亡國將焉用之會于厥憇謀救蔡也使狐父請蔡于楚弗許文十五年晉靈公帥八國之諸侯盟于扈春秋畧而不序者謀伐齊而不克定其亂也襄公三十年叔孫豹會十二國之大夫于澶淵諸國之大夫皆稱人魯卿諱而不書者視蔡亂而不能討其賊也今楚將滅蔡請于楚而弗許晉之不能亦可知矣曷為諸國猶序而大夫無貶乎扈之盟晉侯受賂弗克而還諸侯畧而不序亡義利之分也澶淵之會謀救宋災而不討蔡罪大夫貶而稱人魯卿諱而不書失重輕之別也亡義利之分為不仁失重輕之別為不智今晉與諸侯心欲救蔡而力弗加焉則無惡也凡此見春秋明義利審重輕以恕待人而不求其備矣

左傳附錄

單子會韓宣子于戚

單子單成公

視下言

徐叔向曰單子其將死乎朝有著定

著定朝內列位常處

謂之表著會有表。有會設表以爲位衣有禴帶有結。禴領會

也。○禴古外反會朝之言。必聞于表著之位。所以昭事

序也。視不過結禴之中。所以道容貌也。言以命

之。容貌以明之。失則有關。今單子爲王官伯。而

命事於會。視不登帶。言不過步。貌不道容。而言

不昭矣。不道不共。不昭不從。貌正曰共無守氣

矣。爲此年冬單子卒起本

九月己亥葬我小君齊歸。杜齊謚

左傳九月。葬齊歸。公不感。晉士之送葬者。歸以

語史趙。史趙曰。必爲魯郊。言昭公必出在郊野不能存國。○語魚據

反待者曰。何故。曰。歸。姓也。不思親。祖不歸也。姓生

也言不思親則不爲祖考所歸作叔向曰。魯公室其卑乎。君有

大喪。國不廢蒐。謂蒐比蒲有三年之喪。而無一日之

感。國不恤喪。不忌君也。忌畏也君無感容。不顧親

也。國不忌君。君不顧親。能無卑乎。殆其失國。爲二

十五年公孫於齊傳

公羊齊歸者何。昭公之母也。歸氏胡女襄公嫡夫人。○嫡丁歷反

冬十有一月丁酉。楚師滅蔡。執蔡世子有以歸。用

之有穀作女杜用之殺以祭山范僖十九年邾人執繒子用之傳曰用之者叩其鼻以衄血惡之

故謹而日之○衄音二惡易路反下注同

左傳冬十一月楚子滅蔡用隱大子于岡山蔡靈

公之大子蔡侯廬之父申無宇曰不祥五牲不相為用況

用諸侯乎五牲牛羊豕犬王必悔之悔為暴虐

公羊此未踰年之君也其稱世子何據陳子也不君

靈公不成其子也靈公即般也不君不與靈公生弑父誅不得為君也不成

其子不成有得稱子繼父也上不與楚誘討嫌有不當絕故正之云耳不君靈公

則曷為不成其子據惡惡誅君之子不立雖不與楚

誘討其惡坐弑父誅當以誅君論之故云爾言執者時楚託義滅之非怒也無繼

也父誅子當絕惡乎用之用之防也其用之防奈何

蓋以築防也持其足以頭築防惡不以道孔子曰人而不仁疾之已甚亂也日者

疾諉滅人○惡音鳥惡不鳥路反

穀梁此子也諸侯在喪稱子其曰世子何也不與楚殺

也一事注乎志所以惡楚子也之一事輒注而志

不與楚殺當貶楚爾何故反貶蔡稱世子邪鄭君釋之曰滅蔡者楚子也而稱師固已貶矣楚子思啓封疆而貪蔡誘殺蔡侯般冬而滅蔡殺友惡其淫放其志殺蔡國二君以取其國故變

子言世子使若不得其君終

胡傳內入國而以其君來。外滅國而以其君歸。皆服而以之。易詞也。既書滅蔡矣。又書執蔡世子有者。世子無降服之狀。強執以歸而虐用之也。或以為未踰年之君。其稱世子者。不君靈公。故不成其子。非也。楚虔殺蔡般。棄疾圍其國。凡八月而見滅。世子在窮迫危懼之中。固未假立乎其位。安得以為未踰年之君而稱子也。假使立乎其位。而般死於楚。其喪未至。不歛不葬。世子亦不成乎為君矣。然世子繼世有國之稱。必

以此稱蔡有者。父母之讐。不與共天下。與民守國。效死不降。至於力屈就擒。虐用其身而不顧也。則有之為世子之道得矣。易去聲 降平聲

左傳附錄 十二月。單成公卒。終叔向之言 ○楚子城

陳蔡不羹。襄城縣東南有不羹亭。○羹音郎。漢書作更字。使

棄疾為蔡公。王問於申無宇曰。棄疾在蔡何如。

對曰。擇子莫如父。擇臣莫如君。鄭莊公城櫟而

寘子元焉。使昭公不立。子元鄭公子莊公寘子元於櫟桓十五年厲公

因之以殺櫟大夫檀伯遂居櫟卒使齊伯公城言公不安位而見殺。○櫟力狄反。

穀而寘管仲焉。至于今賴之。城穀在莊十二年臣聞五

大不在邊，五細不在庭。上古金木水火土謂之五官，玄鳥氏丹鳥氏亦

有五，又以五鳩鳩民，五雉為五工，正蓋立官之本也。末世隨事施職，是以官無常數，今無字稱

習古言故云五大也。言五官之長專盛過節，則不可居邊，細弱不勝任，亦不可居朝庭。親

不在外，羈不在內。今棄疾在外，鄭丹在內。襄九年

丹奔君其少戒。王曰：國有大城，何如？對曰：鄭京

欒實殺曼伯。曼伯，檀伯也。厲公得欒，又并京。曼音萬。宋蕭毫實殺

子游。在莊十年齊渠丘實殺無知。在莊九年，渠丘

也。齊大夫。雍廩邑。衛蒲戚實出獻公。蒲，寧殖邑。戚，孫林父邑。出獻公在襄

十四年若由是觀之，則害於國，末大必折。折其本尾

大不掉。君所知也。為十三年陳蔡作亂傳。掉，徒也。反。

國語：靈王城陳，蔡不羹。羹音郎。三國楚別都也。魯昭八年，楚滅陳，使穿

封戌為陳公。十一年，滅蔡，使公子棄疾為蔡公。今潁川定陵有東不羹城。使僕夫子

皙問於范無宇。子皙，楚大夫。僕，皙父也。范無宇，楚大夫。芊尹申無宇也。曰：

吾不服諸夏而獨事晉，何也？不服也。唯晉近我

遠也。今吾成三國賦，皆千乘，亦當晉矣。禮地方十里為

成出長轂一乘，馬四匹，牛十二頭，步卒七十人，甲士三人。三國各千乘，其地三千成也。又

加之以楚，諸侯其來乎？對曰：其在志也。國為大

城未有利者

志記也言在書籍所記國作大城未有利者

昔鄭有京

櫟

京嚴公弟叔段之邑

衛有蒲戚

蒲甯殖之邑戚孫林父之邑

宋有蕭蒙

蕭蒙宋公鮑之邑

魯有弁費

費音秘弁費季氏之邑

有渠丘

渠丘齊大夫

晉有曲沃

曲沃樂盈之邑 秦有徵

衛

徵衛秦桓公之子景公之弟公子鍼之邑

叔段以京患嚴公鄭幾

不封

叔段圖篡嚴公不克出奔

櫟人實使鄭子不得其位

嚴

公十四年厲公自櫟侵鄭獲大夫傅瑕與之盟而赦之使殺鄭子而納厲公鄭子嚴公子子儀

也衛蒲戚實出獻公

衛殖孫林公逐衛

宋蕭蒙

實殺昭公

昭公兄鮑

殺魯弁費實弱襄公

襄公十年

季武子甲公室作三軍而自征之二十九年又取弁以自予

齊渠丘實殺無

知

魯嚴公八年無知殺襄公而立九年雖廩殺之

晉曲沃實納齊師

樂盈

奔齊齊嚴公納之盈以曲沃之甲晝入為賊於絳

秦徵衛實難桓景

公

鍼有寵於桓如三君於景難謂侵逼也魯昭元年鍼奔晉其車千乘

皆志於諸侯

此其不利者也

皆見記錄於諸侯

且夫制城邑若體性

焉有首領股肱至於手拇毛脉

拇大指也毛鬚髮也 大能

掉小故變而不勤

掉作也變動也勤勞也

地有高下天有

晦明民有君臣國有都鄙古之制也先王懼其

不帥

帥循也

故制之以義旌之以服行之以禮

謂各

位不同禮亦異數辨之以名各號也書之以文書其名位及其所掌

主道之以言既其失也易物之由易物易其尊卑服物之宜

也夫邊境者國之尾也譬之如牛馬處暑之既

至處暑在七月節處止也蚩蠶之既多而不能掉其尾臣

亦懼之蚩莫耕切蠶由季切大曰蚩小曰蠶不能掉尾益重也以言三國亦將畔也

不然。是二城也。豈不使諸侯之心惕惕焉。子皙

復命。王曰。是知天咫。安知民則。咫言少也言少知天道耳何知之

治民之法。是言誕也。誕虛也右尹子革侍。子革楚大夫字故鄭大夫

子然之子曰。民天之生也。知天必知民矣。是其

言可以懼哉。三年。陳蔡及不羹人納棄疾而殺

靈王。城後三年也棄疾恭王之子靈王之弟平王之於乾谿王自殺言殺者王之死由三國也

景王十有二年。晉昭二齊景十八衛靈五蔡滅鄭簡三十六卒曹武二十五陳

滅杞平六宋元二秦哀七楚靈十一吳夷昧十四

春齊高偃帥師納北燕伯于陽。杜三年燕伯出奔齊高偃高偃玄孫

齊大夫陽即唐燕別邑中山有唐縣不言于燕未得國都○偃音奚

左傳十二年春齊高偃納北燕伯款于唐因其

衆也。言因唐衆欲納之故得先入唐

公羊

伯于陽者何

言即納上伯款非犯父命不當言于陽又微國出入不兩書

伯不當再出故斷三字問之○斷丁管反

公子陽生也子曰我乃知

之矣

子謂孔子乃乃是歲也時孔子年二十三具知其事後作春秋案史記知公誤為伯

子誤為子陽在生刑滅闕○刑古干反

在側者曰子苟知之何以

不革曰如爾所不知何

如猶奈也猶曰奈女所知何寧可強更之乎

此夫子欲為後人法不欲令人妄億錯子絕四毋意毋必毋固毋我○女音汝強其丈反令力

呈反錯七故春秋之信史也其序則齊桓晉文

反字或作措春秋之信史也其序則齊桓晉文唯齊桓晉文會能以德

優劣國大小相次序其會則主會者為之也非齊桓晉文則知主會者為之雖

優劣大小相越不改更信史也其詞則丘有罪焉爾

丘孔子名其罪絕譏刺之辭有所失者是丘之罪聖人德盛尚謙故自名爾主

書者惡納篡也不書所篡出犇者微國雖未踰年君猶不錄不足陽下言于北燕者史文也此

燕本在上從史文也穀梁納者內不受也燕伯之不名何也

據義不可受則應名而絕之不以高偃挈燕伯也

邵曰公子遂以去書名為挈者臣宜書各故須去公子乃為挈君不可名而以臣各君者不待去燕伯則為挈也

是以目燕伯而不書各所以不與高偃挈之○去起呂反

三月壬申鄭伯嘉卒杜五三月壬申鄭伯嘉卒

杜五左傳三月鄭簡公卒將為塋除除塋道為于偽友及游

氏之廟游氏子將毀焉子大叔使其除徒執用

以立而無庸毀廟具曰子產過女而問何故不

毀乃曰不忍廟也諾將毀矣教毀廟者之辭既如

是子產乃使辟之司墓之室有當道者簡公別營墓地

不在鄭先公舊墓故道有臨時迂直也司墓之室鄭之掌公墓大夫徒屬之家毀

之則朝而崩崩下棺弗毀則日中而

崩子大叔請毀之曰無若諸侯之賓何不欲久留賓

子產曰諸侯之賓能來會吾喪豈憚日中無損

於賓而民不害何故不為遂弗毀日中而葬君

子謂子產於是乎知禮禮無毀人以自成也

夏宋公使華定來聘杜定華椒孫

左傳夏宋華定來聘通嗣君也宋元公新即位公享之

為賦蓼蕭弗知又不答賦蓼蕭詩小雅義取燕笑語兮是以有譽處

今樂與華定燕語也又曰既見君子為龍為光欲以寵光賓也又曰宜兄宜弟令德壽凱言實

有令德可以壽樂也又曰和鸞雍雍萬福攸同言欲與賓同福祿也昭子曰必亡

宴語之不懷懷思寵光之不宣宣揚令德之不

知同福之不受將何以在為二十年華定出奔傳

左傳附錄齊侯衛侯鄭伯如晉朝嗣君也晉昭公新

立

公如晉至河乃復

杜晉人以莒故辭公

左傳公如晉

亦欲朝嗣君

至河乃復取鄭之役

在十年

莒人愬于晉晉有平公之喪未之治也故辭公

公子愁遂如晉

愁魯大夫如晉不書還不復命而奔故史不書於策

穀梁季孫氏不使遂乎晉也

左傳附錄

晉侯享諸侯子產相鄭伯辭於享請

免喪而後聽命

簡公未葬

晉人詐之禮也

善晉不傳孝子之情

晉侯以齊侯宴中行穆子相

穆子曰有酒如淮有肉如坻

坻水名坻山名寡

君中此為諸侯師中之齊侯舉矢曰有酒如澠

有肉如陵

澠水出齊國臨淄縣北入時不陵大阜也○中丁仲反下同澠音蠅寡

人中此與君代興

代更也○更音庚

亦中之伯瑕謂穆

子

伯瑕士文伯

曰子失辭吾固師諸侯矣壺何為焉

其以中雋也

言投壺中不足為雋異

齊君弱吾君歸弗來

矣

欲與晉君代興是弱之

穆子曰吾軍帥疆禦卒乘競勸

今猶古也齊將何事

言晉德不衰於古齊不事晉將無所事

公孫

僂趨進曰日旰君勤可以出矣以齊侯出

僂齊大夫

傳言晉之衰○使素口反盱古且反

五月葬鄭簡公杜三月而葬速

左傳六月葬鄭簡公傳終子產辭享明既葬則為免喪經書五月誤

楚殺其大夫成熊公作能穀作虎

左傳楚子謂成虎若敖之餘也遂殺之成虎令尹子玉

之孫與鬬氏同出于若敖宣四年鬬傲作亂今楚子信譖而託討若敖之餘或譖成

虎於楚子成虎知之而不能行書曰楚殺其大

夫成虎懷寵也解經所以書名

左傳附錄晉荀吳偽會齊師者假道於鮮虞遂

人昔陽鮮虞白狄別種在中山新市縣昔陽肥國都樂平沾縣東有昔陽城秋八

月壬午滅肥以肥子緜臯歸肥白狄也緜臯其君名鉅鹿下曲陽

縣西南有肥累城為下○周原伯絞虐其輿臣

使曹逃原伯絞周大夫原公也輿衆也曹羣也冬十月壬申朔原

輿人逐絞而立公子跪尋跪尋絞弟也絞奔郊郊周也○

甘簡公無子立其弟過甘簡公周卿士○過古禾反下之子過同過

將去成景之族成公景公皆過之先君○去起呂反成景之族賂

劉獻公欲使殺過劉獻公亦周卿士劉定公子丙申殺甘悼公悼公

過即而立成公之孫鮒鮒平公○鮒音秋丁酉殺獻大子

之傳及皮之子過

過劉獻公之子之傳

殺瑕辛于市及宮

嬖綽王孫沒劉州鳩陰忌老陽子

六子周大夫及庚過皆甘

悼公之黨傳言周衰原其二族所以遂微

秋七月

冬十月公子愁出奔齊

愁公作整杜書名謀亂故也○愁魚觀反

左傳季平子立而不禮於南蒯

蒯南遺之子季氏費邑宰○蒯

苦怪反費音秘

南蒯謂子仲

子仲公

吾出季氏而歸其

室於公

室季氏家財

子更其位

更代也更音庚

我以費為

公臣子仲許之南蒯語叔仲穆子且告之故

子懷

叔仲帶之子叔仲小也語以欲出季氏以不禮見故○語魚據反

季悼子之卒

也叔孫昭子以再命為卿

悼子季武子之子平子父也傳言叔孫之

見命乃在平子為卿之前

及平子伐莒克之更受三命

十年平子

伐莒以功加三命昭子不伐莒亦以例加為三命

叔仲子欲構二家

欲構

使相

謂平子曰三命踰父兄非禮也

言昭子受三命自踰

其先

平子曰然故使昭子

使昭子自貶黜

昭子曰叔孫

氏有家禍殺適立庶故姑也及此

禍在四年若因禍

以斃之則聞命矣

言因亂討已不敢辭

若不廢君命則固

有著矣

次著位

昭子朝而命吏曰諾將與季氏訟

書辭無頗

頗偏也。頗音何反。

季孫懼而歸罪於叔仲子。

故叔仲小南蒯公子愁謀季氏愁告公而遂從

公如晉

仲愁子

南蒯懼不克以費叛如齊子仲還

及衛聞亂逃介而先

介副使也

及郊聞費叛遂奔齊

言及郊解經所以書出

南蒯之將叛也其鄉人或知之過

之而歎

鄉人過蒯而歎

且言曰恤恤乎湫乎攸乎

恤恤憂患

湫愁隘攸懸危之貌。湫小子反。

深思而淺謀邇身而遠志家

臣而君圖

家臣而圖人君之事故言深思而有謀淺身近而志遠。思息嗣反。

人矣哉

言今有此人微以感之南蒯牧筮之

坤三三

坤下坤上坤

之比三三

坤下坎上比坤六五爻變

曰黃裳

元吉

坤六五爻辭

以為大吉也示子服惠伯曰即欲

有事何如惠伯曰吾嘗學此矣忠信之事則可

不然必敗外疆內溫忠也

坎險故疆坤順故溫疆而能溫所以為忠

和以率貞信也

水和而土安正和正信之本也

故曰黃裳元吉

黃中之色也裳下之飾也元善之長也中不忠

不得其色

言非黃

下不共不得其飾

不為裳事不善

不得其極

失中德

外內倡和為忠

不相違也。和戶卧反。率

事以信為共

率猶行也

供養三德為善

三德謂正直剛克柔克也

○供九用反 非此三者弗當。非忠信善不當此

且夫易不可以占險。將何事也。且可飾乎。夫易

易謂黃裳元吉之卦問其何事欲令從下之飾中美能黃。上美為元。下

美則裳。參成可筮。參美盡備猶有闕也。筮雖吉。

未也。有闕謂不參成將適費。飲鄉人酒。南蒯自其家還

反鄉人或歌之曰。我有圃生之杞乎。言南蒯在

如杞生於圃圃非宜也。杞世所謂狗杞也。從我者子乎。子男子之通

不失今之尊。稱尺證反。去我者鄙乎。倍其鄰者恥乎。鄰猶

已乎已乎。非吾黨之士乎。已乎已乎言自遂不改平子欲

使昭子逐叔仲小。欲以自小聞之。不敢朝。昭子

命吏謂小待政於朝。曰。吾不為怨府。言不能為

生怨禍之聚為明年叔弓圍費傳

楚子伐徐。杜不書圍以乾谿師告

左傳。楚子狩于州來。狩冬獵也次于潁尾。潁水之尾在下蔡西

使蕩侯潘子司馬督鬻尹午陵尹喜帥師圍徐。

以懼吳。五子楚大夫徐吳與國故楚子次于乾

谿。在譙國城父縣南以為之援。雨雪。王皮冠。秦復陶。秦

遺羽衣也。○兩翠被。以翠羽飾被。豹舄。執鞭。

以出

執鞭以

僕析父從

楚大夫。○從木用反。

右尹子革夕。

子革鄭丹夕莫見。○莫音墓見賢通反。

王見之去冠被舍鞭。

敬大

去起呂反舍音捨

與之語曰昔我先王熊繹

楚始封君與呂

伋齊大公之子

王孫牟

衛康叔之子康伯燮父

晉唐叔之子燮素協反

禽父周公子

並事康王康王成王子

四國皆有分我

獨無有

四國齊晉衛分珍寶之器。○分扶問反下同。

今吾使人於周

求鼎以為分王其與我乎對曰與君王哉先我

先王熊繹辟在荆山

在新城沔鄉縣南。○辟匹亦反沔音市。

篳路

藍縷以處草莽跋涉山林以事天子唯是桃弧

棘矢以共禦王事

桃弧棘矢以禦不祥言楚在

齊王舅也

成王母齊太公女

晉及魯衛王母弟也

楚是以無分而彼皆有今周與四國服事君王

將唯命是從豈其愛鼎王曰昔我皇祖伯父昆

吾舊許是宅

陸終氏生六子長曰昆吾少曰季連季連楚之祖故為昆弟為伯父

今鄭人貪賴其田而不我與我

若求之其與我乎對曰與君王哉周不愛鼎鄭

敢愛田王曰昔諸侯遠我而畏晉今我大臣陳

蔡不美賦皆千乘子與有勞焉諸侯其畏我乎

對曰。畏君王哉。是四國者。專足畏也。四國陳蔡不羹。

遠于萬反羹音郎與音預又加之以楚。敢不畏君王哉。工尹

路請曰。君王命剝圭以為鉞。秘鉞斧也。秘柄也。破圭玉以設斧

柄。鉞音祕。威祕音祕。敢請命。請制度之命。王入視之。析父謂子

革。吾子。楚國之望也。今與王言如響。國其若之

何。譏其順王心。如響應聲。子革曰。摩厲以須。王出。吾亦將

斬矣。以已喻鋒刃欲自摩厲。以斬王之淫慝。王出復語。左史倚相

趨過。倚相楚史名。扶又反倚於綺反。王曰。是良史也。子善視

之。是能讀三墳五典。八索九丘。皆古書名。索所自反。對

曰。臣嘗問焉。昔穆王欲肆其心。周穆王肆極也。周行天

下。將皆必有車轍馬跡焉。祭公謀父作祈招之

詩。以指王心。謀父周卿士。祈父周司馬。世掌甲兵之職。招其名。祭公方諫。遊行故

指司馬官而言。此詩逸。王是以獲沒於祗宮。獲沒

不見篡弒。祗音支。臣問其詩而不知也。若問遠焉。其焉

能知之。王曰。子能乎。對曰。能。其詩曰。祈招之愔

愔。式昭德音。愔愔安和貌。式用也。思我王度。式

如玉。式如金。金玉取其堅重。形民之力。而無醉飽之心。

言國之用民當隨其力。任如金冶之器。隨器而制。形故言形民之力。去其醉飽過盈之心。王

揖而入饋不食寢不寐數日深感子革之言不

能自克以及於難克勝也○難乃仲尼曰古也

有志克已復禮仁也信善哉楚靈王若能如是

豈其辱於乾谿

國語附錄左史倚相廷見申公子亶倚相楚左史也子亶

楚申公史老也廷見於廷見之子亶不出左史謗之舉伯以告

舉伯楚大夫也子亶怒而出曰女無亦謂我老耄而舍

我而又謗我左史曰唯子老耄故欲見以交傲

乎交夾也若子方壯能經營百事倚相將奔走承

序承受事業次序也於是不給而何暇得見昔衛武公

年數九十有五矣武公衛僖公之子共伯之弟武公和也猶箴傲

於國箴刺也傲戒也曰自卿以下至於師長士師長大夫士衆

也苟在朝者無謂我老耄而舍我舍謂不諫戒也必恭

恪於朝朝夕以交戒我聞一二之言必誦志而

納之以訓道我言謗譽之言也志記也在輿有旅賁之規

賁轉昆切規規諫也旅賁勇力之士掌執戈析夾車而趨車止則持輪位宁有官

師之典中庭之左右謂之位門屏之間謂之宁師長也典常也倚几有誦

訓之諫誦誦訓工師所誦之諫書之於几也居寢有誓御之箴音誓

薛魯臨事有瞽史之道近也事我祀也瞽樂大師掌詔吉凶史太史也掌詔

禮宴居有師工之誦也師樂師工瞽矇也誦謂箴諫也史不失書

矇不失誦以訓御之也御進也於是乎作懿戒以自

儆也懿詩大雅抑之篇也懿讀日抑毛詩叙日抑衛武公刺厲王亦以自儆也及其

沒也謂之獻聖武公獻明也書曰獻作聖武子實謚法威強獻德曰武

不獻聖於倚相何害周書曰文王至于日中具

不皇暇食日昧曰易易日中則昃惠於小民唯政之恭文

王猶不敢惰今子老楚國而欲自安也楚國也

以禦數者王將何為禦止也數者謂箴戒誹謗也為人臣尚如此王將復

何若常如此楚其難哉難以治子亶懼曰老之過

也老子亶名也乃驟見左史

晉伐鮮虞杜不書將帥史闕文何謂之晉者中國蔡諸夏思然去而與晉會于屈銀不因以大綏

諸侯先之以博愛而先伐同姓從親親起欲以立威行霸故狄之

左傳晉伐鮮虞因肥之役也肥役在此年

穀梁其曰晉狄之也其狄之何也不正其與夷

狄交代中國故狄稱之也鮮虞姬姓自狄也地居中山故曰中國夷

狄謂楚也何休曰春秋多與夷狄並伐何以不狄也鄭君釋之曰晉不見因會以綏諸夏而伐

同姓貶之可也狄之大重晉為厥憖之會實謀救蔡以入國之師而不救楚終滅蔡今又伐徐晉不糾合諸侯以遂前志舍而伐鮮虞是楚而不如也故狄稱之焉厥憖之會穀梁無傳鄭君之說似依左氏寧所未詳是穀梁意非○舍音捨

胡傳左氏曰晉荀吳偽會齊師者假道鮮虞遂

入昔陽冬書晉伐鮮虞狄之也獻公假道於虞

以滅虢因執虞公則以師與人稱之今晉雖為

諼固可罪也而狄之不亦過乎楚奉孫吳討陳

因以滅陳誘蔡般殺之因以滅蔡晉人視其殘

虐莫能救則亦已矣而效其所為以伐人國是

中國居而夷狄行也人之所以為人中國之所

以為中國信義而已矣一失則為夷狄再失則

為禽獸禽獸逼人入將相食自春秋末世至于

六國亡秦變詐並興傾危成俗河決魚爛不可

壅而收之皆失信棄義之明驗也春秋謹嚴於

此制治未亂拔本塞源之意豈曰過乎

景王十有三年晉昭三齊景十九衛靈六蔡平六年公盧元年鄭定公寧元年曹武

二十六陳惠公吳元年杞平七宋元三秦哀八楚靈十二弒吳夷昧十五

春叔弓帥師圍費杜不書南蒯以費叛不以告廟○費音秘

左傳十三年春。叔弓圍費弗克敗焉。

為費人所敗不書諱

之。平子怒。令見貴人執之。以為囚俘。冶區夫曰。

非也。區夫魯大夫。區鳥侯反。若見費人。寒者衣之。飢者食

之。為之令主。而共其乏困。費來如歸。南氏亡矣。

民將叛之。誰與居邑。若憚之以威。懼之以怒。民

疾而叛。為之聚也。若諸侯皆然。費人無歸。不親

南氏。將焉入矣。平子從之。費人叛南氏。費叛南氏在明

年傳善區夫之謀終言其效。衣於既反。食音嗣。共音恭。為之聚于僞反。

胡傳費內邑也。命正卿為主將。舉大眾圍其城。

若敵國然者。家臣強。大夫弱也。語不云乎。有一

言而可以終身行之者。其恕矣夫。已所不欲。勿

施於人。所惡於下者。毋以事上也。所惡於上者。

毋以使下也。然後家齊而國治矣。季孫意如以

所惡於下者。事其上。而不忠於其君。以所惡於

上者。使其下。而不禮於其臣。出乎爾者。反乎爾。

宜南蒯之及此也。春秋之法。不書內叛。反求諸

已而已矣。其書圍費。欲著其實。不沒之也。惡去聲

夏四月。楚公子比自晉歸于楚。弑其君虔于乾谿。

穀作溪杜比去晉而不送書歸者依陳蔡以入言陳蔡猶列國也比歸而靈王死故書弒其君靈王無道而弒稱臣比非首謀而反書弒比雖脅立猶以罪加也靈王死在五月又不在乾谿楚人生失靈王故本其始禍以赴之范乾谿楚地

左傳楚子之爲令尹也殺大司馬遠掩而取其

室在襄三十年及卽位奪遠居田居掩之族言遠氏所以怨

遷許而質許圍遷許在九年圍許大夫○質音致蔡洧有寵於

王王之滅蔡也其父死焉楚滅蔡在十一年洧仕楚其父在國故死

○洧于王使與於守而行使有守國王行至乾

反申之會越大夫戮焉申會在中王奪鬪韋龜中

鬪韋龜令尹子文玄孫者又奪成然邑而使爲

郊尹成然韋龜子郊尹治郊竟大夫蔓成然故事蔡公蔡公棄疾也故

猶舊也韋龜以棄疾有當璧之命故使成然事之故遠氏之族及遠居

許圍蔡洧蔓成然皆王所不禮也因羣喪職之

族啟越大夫常壽過作亂常壽過申會所戮者○過古禾反圍

固城克息舟城而居之息州楚邑城觀起之死

也其子從在蔡事朝吳觀起死在襄二十二年朝吳故蔡大夫聲子之

子曰今不封蔡蔡不封矣我請試之觀從以父死怨楚故

欲試以蔡公之命召子干子皙二子皆靈王弟元年子干奔晉

子哲及郊而告之情。告以蔡公疆與之盟。入襲

蔡。蔡公將食見之而逃。不知其故驚起辟觀從

使子干食。坎用牲加書而速行。使子干居蔡公

食並偽與蔡公盟巴徇於蔡。已觀從也曰。蔡公

召二子。將納之。與之盟而遣之矣。將師而從之。

詐言蔡公將以師助二子。蔡人聚。將執之。執觀辭曰。失賊成

軍而殺余何益。乃釋之。賊謂子干子哲也言蔡

朝吳曰。二三子若能死亡。則如違之。以待所濟。

言若能為靈王死亡則可違若求安定。則如與

之以濟所欲。言與蔡公則且違上何適而可。言

可違上也衆曰。與之。乃奉蔡公。召二子而盟于

鄧。穎川召陵縣西南有依陳蔡人以國。國陳蔡

楚公子比。子干公子黑肱。子哲公子棄疾。蔡公蔓成然

蔡朝吳帥陳蔡不羹許葉之師。因四族之徒。四

遠氏許圖蔡南蔓成然以入楚。及郊。陳蔡欲為

名。故請為武軍。欲築壘壁以示後蔡公知之。曰

欲速。且役病矣。請藩而已。乃藩為軍。藩籬也蔡公

使須務牟與史狎先入。因正僕人。殺大子祿。及

公子罷敵

須務牟史。御楚大夫蔡公之黨也。正僕。大子之近官。御皮皆反。罷音皮。

公子比為王。公子黑肱為令尹。次于魚陂。

竟陵縣城。

西北有甘魚陂。

公子棄疾為司馬。先除王宮。使觀從從師于乾谿。而遂告之。

從乾谿之師。告使叛靈王。

且曰。先歸復

所。後者劓。

劓。截鼻。劓。魚器反。

師及訾梁而潰。

靈王還至訾梁而衆

散。訾。子斯反。

王聞羣公子之死也。自投於車下。曰。人

之愛其子也。亦如余乎。侍者曰。甚焉。小人老而

無子。知擠于溝壑矣。

擠。擠隊也。擠。子細反。

王曰。余殺人子

多矣。能無及此乎。右尹子革曰。請待于郊。以聽

國人。

聽。國人之所與。

王曰。衆怒不可犯也。曰。若入于大

都。而乞師于諸侯。王曰。皆叛矣。曰。若亡于諸侯。

以聽大國之圖。君也。王曰。大福不再。祇取辱焉。

然丹乃歸于楚。

然丹。子革棄王。歸。祇音支。

王泚夏將欲入

郟。

夏。漢別名。順流為泚。順。漢水。南。至郟。夏。上聲。郟。於建反。

芋尹無宇之子

申亥曰。吾父再奸王命。

謂斷王旌。執人於章。華宮。芋于付反。

王

弗誅。惠敦大焉。君不可忍。惠不可棄。吾其從王。

乃求王。遇諸棘圍。以歸。

棘里名。圍。門也。

夏五月癸亥。王

縊于芋尹。申亥氏。

癸亥。五月二十六日。皆在乙卯。丙辰。後傳終言之。經書四

誤月申亥以其二女殉而葬之

公羊此弑其君其言歸何据齊陽生人歸無惡

於弑立也歸無惡於弑立者何靈王為無道作

乾谿之臺三年不成楚公子棄疾脇比而立之

然後令於乾谿之役曰比已立矣後歸者不得

復其田里眾罷而去之靈王經而死時棄疾詐告比得晉

方可以歸至而脅立之比之義宜效死不立而立君因自經故加弑也言歸者謂其本無君

而立之意加弑責之爾不日者惡靈王無道封內地者起禍所由因以為戒○罷音皮

穀梁自晉晉有奉焉爾歸而弑不言歸言歸非

弑也傳例曰歸為善自某歸次之然則歸一事弑君不得言歸比不弑之一驗也

也弑一事也而遂言之以此之歸弑比不弑也

歸弑其事各異自宜別書之而今連言之弑君

者曰不日比不弑也據文元年丁未楚世子商臣弑其君是日此不日此

不弑之三驗也

胡傳楚師伐徐楚子虔次于乾谿為之援公子

棄疾君陳蔡至方城之外有觀從者率羣失職

以棄疾命召比于晉既至脇比而立之令于乾

谿曰先至者復其田里師潰而歸楚子經而死

或曰昭元年楚虔弑立比出奔晉十三年比歸而虔縊于棘圍則比未嘗一日北面事虔爲之臣虔又弑立固非比之君矣而書曰比弑其君虔何也曰凡去國出奔而君不以爲臣則晉于欒盈是也臣不以爲君則公子鱣於衛是也若去國雖久而爵祿有列於朝出入有詔於國不掃其墳墓不收其田里不繫累其宗族卽君臣之分猶在也比雖奔晉而晉人以羈待比以國底祿固楚之亡公子也楚又未嘗劓之如晉之於欒盈比又未嘗不向楚而坐如子鮮之於衛安得以爲比非楚臣而虔非比之君乎春秋書比弑其君虔明於君臣之義也或曰虔弑郊敖以立比之獲罪豈無討賊之心而徒貪夫位歟曰春秋罪比不明乎君臣之義不責其無討賊之心夫比雖當次及之序而棄疾亦居楚國之常以取國言之比具五難而棄疾有五利此事之變也爲比者宜乎效死不立若國有所歸爲曹子臧魯叔肸不亦善乎不然身居令尹都貴

戚之卿為社稷鎮亂不自已亦可也今乃脇於勢而忘其守怵於利而忘其義被之大惡欲辭而不可得矣為人臣而不知春秋守經事而不知其宜遭變事而不知其權者若此類是也悲夫聖人垂戒之意明矣君不以為臣則晉於欒盈事見左傳襄公二十一年臣不以為君則公子鱒於衛事見左傳襄公二十七年音旨夫音扶

國語附錄

靈王虐白公子張驟諫子張楚大王夫白公也

患之謂史老曰吾欲已子張之諫若何史老子也對曰用之實難已之易矣若諫君則曰余左

執鬼中右執殤宮

中身也天死曰殤殤宮殤之居也執謂把其錄籍制服其身知其居處若今

世云能使殤也凡百箴諫吾盡聞之矣寧聞

它言

不欲聞

白公又諫王如史老之言對曰昔

殷武丁能聳其德至於神明

武丁高宗也聳敬也至通也通於神

明謂夢見傳說

以入於河

遷於河內

自河徂亳

從河內往都亳也

於

是乎三年默以思道

默諒闇也思道思君人之道也卿士患之

患其不言

曰王言以出令也若不言是無所稟令也

稟命也稟受也

武丁於是作書

以書解卿士也

曰以余正四方

余恐德之不類茲故不言

類善也如是而又使

以象夢求四方之賢聖。思賢而夢見之識其容狀故作其象而使求之

得傳說以來升以為公。公上公也書序曰高宗夢得說使百工營求諸

野得之傳而使朝夕規諫曰若金用女作礪。使磨

礪已若津水用女作舟。喻遭若大旱用女作霖

雨。大旱自比苗稼也啟乃心沃朕心。啟開也

比霖若藥不瞑眩厥疾不瘳。以藥喻忠言也瞑眩頓脅攻已急也

瘳愈若跌不視地厥足用傷。以失道比徒跌而不視地必傷也

若武丁之神明也其聖之敷廣也其知之不疚

也猶自謂未乂。乂治也故三年默以思道既得道

猶不敢專制使以象旁求聖人既得以為輔又

恐其荒失遺忘故使朝夕規誨箴諫曰必交修

余無余棄也今君或者未及武丁而惡規諫者

不亦難乎。難以保國齊桓晉文皆非嗣也。非嫡嗣也還軫

諸侯不敢淫逸。還音旋還軫謂出奔也心類德者以得有

國。類善也近臣諫遠臣謗與人誦以自誥也。與衆誥善敗也

是以其入也四封不備一同。備滿也以屬諸

侯。屬會也至于今為令君桓文皆然君不度憂於

昭公

二令君而欲自逸也。無乃不可乎。周詩有之曰。弗躬弗親。庶民弗信。言為政不躬親之則眾民不信也。臣懼民

之不信君也。故不敢不言。不然何急。其以言取。舉也。王病之曰。子復語。病不能然故復使語。不穀雖不能

用。吾懋寘之於耳。懋猶願也。寘置也。切寘之鼓切。對曰。賴君之用也。故言不然。巴浦之犀。豨兕象。其可盡

乎。其又以規為瑱也。豨莫交切。瑱士見切。豨豨也。規諫也。瑱所以塞耳也。言四獸之牙角可以為瑱。難盡也。而又以規諫為之乎。遂趨而還。歸杜門

不出。七月。乃有乾谿之亂。靈王死之。乾谿楚東地也。

國語附錄 司馬子期欲以其妻為內子。子期楚平王之

子子西之弟公子結也。為大司馬卿之適妻。曰內子。訪之左史倚相。曰。吾有妾而愿欲笄之。其可乎。愿懋也。笄內子首服。衡笄也。對曰。

昔先大夫子囊違王之命。謚為厲。以子夕嗜芟。子木有羊饋而無芟薦。子木違父命。以羊饋芟薦。君子曰。

違而道。違命合道。穀陽豎愛子反之勞也。而獻飲焉。以弊於鄢。弊或作斃。穀陽豎子反之內豎也。弊踣也。魯成十六年。晉楚戰於鄢陵。楚師敗。恭王傷。目明日將復戰。王召子反。穀陽豎獻飲於子反。子反醉不能見。王曰。天敗楚也。乃

宵遁。子反自殺。芊尹申亥從靈王之欲。以鄭於乾谿。芊尹

申亥申無宇之子也乾谿之役申亥曰吾父再
好王命王不誅惠孰大焉乃求王遇諸棘闈以
王歸王縑申亥以君子曰從而逆欲也君子之

行欲其道也欲得故進退周旋唯道之從夫子

未能違若敖之欲若敖以之道而去芟薦吾子

經楚國經經而欲薦芟以于之干犯也以妾為

也其可乎子期乃止

楚公子棄疾殺公子比殺公作弒杜比雖為君而

不稱人
罪棄疾

左傳觀從謂子干曰不殺棄疾雖得國猶受禍

也子干曰余不忍也子玉曰人將忍子子玉吾

不忍俟也乃行國每夜駭曰王入矣相恐以乙

卯夜棄疾使周走而呼曰王至矣周徧也乙卯

好故國人大驚使蔓成然走告子干子誓曰王

至矣國人殺君司馬將來矣司馬謂棄疾也言

干君若早自圖也可以無辱眾怒如水火焉不

可為謀又有呼而走至者曰眾至矣二子皆自

殺不書弒君丙辰棄疾即位名曰熊居葬子于

于訾實訾敖不成若無號謚殺囚衣之王服而

流諸漢。乃取而葬之。以靖國人。使子旗為令尹。

子旗蔓成然。然。○。衣於既反。楚帥還自徐。前年圍師。吳人敗諸豫。

章獲其五師。定二年楚人伐吳師于豫章。吳人見舟于豫章而潛師于巢以軍楚。

師于豫章。又。怕舉之役。吳人舍舟于淮。汭而自豫章與楚夾。此皆常在江北淮水南。蓋後徙。

在江南。豫章。○。帥所類反。謂蕩。平王封陳蔡。復侯。潘子司馬。繁。囂。尹。午。陵。尹。喜。

還邑。復九年。所還邑。致羣賂。始舉事時。所貨賂。施舍寬民。宥罪。

舉職。舉職。修廢官。召觀從。王曰。唯爾所欲。觀從。教子于殺棄疾。

棄疾。今召用之。明在君為君之義。對曰。臣之先佐。開卜。乃使為

卜尹。佐卜人。開龜兆。使枝如子射。聘于鄭。且致欒櫟之

田。欒櫟。本鄭邑。楚中取之。平王事畢弗致。知鄭新立故還以賂鄭。○。櫟音歷。

服不復。須賂故。鄭人請曰。聞諸道路。將命寡君。以欒櫟

敢請命。對曰。臣未聞命。既復。王問欒櫟。降服而

對。降服。如今解冠也。謝違命。曰。臣過失命。未之致也。王執其

手曰。子毋勤。姑歸。不穀有事。其告子也。王善其有權有

事將復使之。他年。辛尹申亥。以王樞告。乃改葬之。初

靈王卜曰。余尚得天下。尚。庶幾。不吉。投龜。詬天而

呼曰。是區區者。而不余畀。區區。小天下。○。詬。呼。豆。反。呼。火。故。反。余

必自取之。民患王之無厭也。故從亂如歸。初共

王無冢適

冢大也。厭於焉反。音恭。適丁歷反。下同。

有寵子五人

無適立焉。乃大有事于羣望。

羣望星辰山水。

而祈曰。請

神擇於五人者。使主社稷。乃徧以璧見於羣望。

曰。當璧而拜者。神所立也。誰敢違之。既乃與巴

姬密埋璧於大室之庭。

巴姬共王妾。大室祖廟。

使五人齊

而長入拜。

從長幼以次拜。○齊。側皆反。長丁丈反。

康王跨之。

過其上也。

○跨古化反。

靈王肘加焉。子于子替皆遠之。平王弱。

抱而人。再拜。皆厭紐。

微見璧紐以為審識。○肘中九反。遠千萬反。厭於甲

反紐女九反。識申志反。

鬪韋龜入成然焉。

知其將立故託其子。屬音燭。

且曰。棄禮違命。楚其危哉。

棄立長之禮。違當璧之命。終致靈王之亂。

子于歸。韓宣子問於叔向曰。平于其濟乎。對曰。

難。宣子曰。同惡相求。如市賈焉。何難。

宣子謂棄疾親恃子

于共同好惡。故言如市賈。同利以相求。○賈音古。

對曰。無與同好。誰與

同惡。

言棄疾本不與于于同好。則亦不得同惡。

取國有五難。有寵而

無人。一也。

寵須賢人而固。

有人而無主。二也。

雖有賢人當須內主。

為應。有主而無謀。三也。

謀策。有謀而無民。四也。

有民而無德。五也。

四者既備。當以德成。

子于在晉。十三年

矣。晉楚之從。不聞達者。可謂無人。

晉楚之士從子于游皆非

達人。族盡親叛。可謂無主。無親族無釁而動。可謂

無謀。召子干時楚未有大釁為羈終世。可謂無民。終身羈客在晉

是無亡無愛。徵可謂無德。楚人無愛念之者王虐而不

忌。靈王暴虐無所畏忌將自亡楚君子干。涉五難以弑舊君

誰能濟之。言楚借君子干以弑靈王終無能成有楚國者。其棄疾

乎。君陳蔡。城外屬焉。城方城也時穿封戌既死棄疾并臨陳事苛慝

不作。盜賊伏隱。私欲不違。不以私欲違民事苛音何。民無

怨心。先神命之。先神謂羣孽國民信之。芊姓有亂。必

季實立。楚之常也。獲神一也。當璧拜有民二

也。之民信令德三也。無苛寵貴四也。子貴妃姑常五

也。季棄疾有五利以去五難。誰能害之。子干之官

則右尹也。數其貴寵。則庶子也。以神所命。則又

遠之。其貴亡矣。位不尊。去起音無其寵棄矣。

父既沒故民無懷焉。非令德國無與焉。無內主將何以立。

宣子曰。齊桓晉文。不亦是乎。皆庶賤對曰。齊桓衛

姬之子也。有寵於僖。衛姬齊僖公妾有鮑叔牙。賓須無

隰朋。以為輔佐。有莒衛。以為外主。齊桓出奔莒衛有舊氏之

助。有國高。以為內主。國氏高氏齊上卿從善如流。言其疾也

下善齊肅

齊嚴也肅敬也○齊音齋

不藏賄

清也○險也○從

子用反

施舍不倦

施舍猶言不思德

求善不厭是以有國

不亦宜乎我先君文公狐季姬之子也有寵於

獻好學而不貳

言篤志

生十七年有士五人

狐偃趙衰

顛頤魏武子司空季子五士從出○衰初危反從才用反

有先大夫子餘子

犯以為腹心

子餘趙衰子犯狐偃

有魏犢賈佗以為股肱

魏犢魏武子也稱五人而說四士賈佗又不在本數蓋叔向所賢

有齊宋秦楚

以為外主

齊妻以女宋贈以馬楚王享之秦伯納之

有欒却狐先以

為內主

謂欒枝卻穀狐突先軫也○御去逆反穀戶木反

亡十九年守

志彌篤惠懷棄民

惠公懷公不恤民也

民從而與之獻無

異親民無異望

獻公之子九人唯文公在

天方相晉將何以

待文此二君者異於子干共有寵子國有與主

謂棄疾也○共音恭

無施於民無援於外去晉而不送歸

楚而不逆何以冀國

傳言子干所以蒙弑君之名棄疾所以得國○施式

反政

公羊比已立矣其稱公子何

據齊公子商人弑其君舍其意

不當也

知其脇

其意不當則曷為加弑焉爾

王據

子朝不貶○字

比之義宜乎效死不立大夫相殺稱

人。此其稱名氏以弑何。據經言弑也。言將自是為

君也。故使與弑君而立者同文也。不言其者比實已立嫌觸實公子棄疾即楚子居也。

穀梁當上之辭也。當上之辭者，謂不稱人以殺。

乃以君殺之也。稱人以殺謂若衛人殺祝吁于濮是也。今比實不弑，故以君殺。

大夫之辭，以當上之辭殺，非弑也。實有弑君之罪，則人皆欲殺，宜稱人以殺之。今言楚公子棄疾殺公子比，明棄疾所殺非弑君之人，比之不弑四也。

此之不弑有四事。取國者稱國以弑。若比國而文君者當血云楚比弑其君，虔不應言公子也。君有祝吁弑其君，完齊無知弑其君，諸兒是也。

楚公子比棄疾殺公子比，比不嫌也。今棄疾是也。

言殺公子比不言弑，其君是比無欲為君之嫌。春秋不以嫌代嫌。不以亂治

亂之義。棄疾主其事故嫌也。比實無弑君之罪，而主殺之者是棄疾欲為君之嫌。

胡傳棄疾立比為王而已為司馬，固君比矣。而

又殺之，則宜書曰棄疾弑其君比，而曰殺公子

比，何也。初子干歸自晉，觀從假棄疾命而召之

來，則來坎牲加書，而強之盟，則盟帥四族眾而

使之入楚，則入殺太子祿而立之為王，則王周

走而呼於國中，謂眾怒如水火，而逼之自殺，則

自殺其行止遲速去就死生皆觀從與國人所為比未嘗可否之也安得為棄疾之君乎然比兄也黑肱弟也棄疾其季弟也立比為王肱為令尹疾為司馬蓋國人以長幼之序立之也則宜書曰楚人殺比而春秋變文歸獄棄疾者誅其本意在於代比而非討之也所謂輕重之權衡曲直之繩墨而懷惡者亦無所隱其情矣

秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘杜平丘在陳留長垣縣西

南○垣音袁何不舉重者起諸侯欲討棄疾故詳錄之

左傳晉成虎祁在八年○諸侯朝而歸者皆有

貳心賤其奢也為取鄭故取鄭在十年○為于偽反鄭王杏反晉將以

諸侯來討叔向曰諸侯不可以不示威知晉德薄欲以

之乃並徵會告于吳秋晉侯會吳子于良下邳

有良城縣水道不可吳子辭乃還辭不七月丙寅治

兵于邾南甲車四千乘三十萬人羊舌鮒攝司馬鮒叔

向弟也攝兼官遂合諸侯于平丘子產子大叔相鄭伯

以會子產以幄幕九張行幄幕軍旅之帳子大叔以四

十。既而悔之。每舍損焉。及會亦如之。亦九張也。傳言子產

之適宜太叔之從善次于衛地。叔鮒求貨於衛。淫芻蕘者。

欲使衛患之而致衛人使屠伯饋叔向羹與一

篋錦。屠伯衛大夫曰。諸侯事晉。未敢攜貳。況衛在君

之宇下。屋宇之下喻近也而敢有異志。芻蕘者。異於他

日。敢請之。請止之叔向受羹反錦。受羹示不逆其意且非貨曰。

晉有羊舌鮒者。瀆貨無厭。瀆數也。厭於鹽反亦將及矣。

將及禍為此役也。役事也子若以君命賜之。其已客

從之。未退而禁之。禁芻蕘者

胡傳按左氏。晉成虎祁。諸侯朝而歸者。皆有貳

心。齊侯往朝于晉。燕而投壺。曰。寡人中此。與君

代興。晉人知其亦將貳也。叔向曰。諸侯不可以

不示威。乃並徵會。治兵于邾南。甲車四千乘。遂

合諸侯于平丘。方是時。楚人暴橫。陵蔑中華。在

宋之盟。爭晉先歆。及號之會。仍讀舊書。遂召諸

侯。為申之舉。遷賴於鄆。縣陳滅蔡。此乃敵國外

患。臨深履薄。恐懼省戒之時。其君當倚於法家

拂士。以德修國政。其臣當急於責難陳善。以禮

格君心內結夏盟。外攘夷狄。復悼公之業。若弗暇也。今乃施施然安於不競。無憤恥自強之志。惟宮室臺榭。是崇是飾。及諸侯皆貳。顧欲示威。徵會而以兵車耀之。不亦未乎。春秋之法。制治于未亂。保邦于未危。貴事之預。恥以苟成。而不要諸道者也。是以深惡此會。如下文所貶云。明其義者。然後知仲尼作經。於一臺囿之築。一宮室門觀之作。必謹而書。以重民力。其河亂持危。固結人心之慮遠矣。中去聲。橫去聲。中音。肅。思去聲。

八月甲戌同盟于平丘。

杜。書同齊服。故何。不言劉子及諸侯者。間無異事可

矣。知

左傳 晉人將尋盟。齊人不可。有貳。心故。晉侯使叔向

告劉獻公。

獻公王卿士。劉子。

曰。抑齊人不盟。若之何。對

曰。盟以底信。

底。致也。

君苟有信。諸侯不貳。何患焉。

告之以文辭。董之以武師。雖齊不許。君庸多矣。

董。督也。庸。功也。討之有辭。故功多也。

天子之老。請帥王賦。元戎十

乘以先啟行。

天子大夫稱老。元戎。戎車。在前者。啟。開也。行道也。

遲速唯

君。欲佐。晉討齊。

叔向告于齊曰。諸侯求盟。已在此矣。

今君弗利。寡君以為請。對曰：諸侯討貳，則有尋盟。若皆用命，何盟之尋？託用命以拒晉叔向曰：國家之

敗，有事而無業，事則不經。業貢賦之業有業而無禮

經，則不序。須禮而有次序有禮而無威，序則不共。禮須威嚴

而後有威而不昭，共則不明。威須昭告神明不

明，棄共，百事不終，所由傾覆也。信義不明則棄

禮無經，無經無業，故百事不成是故明王之制，使諸侯歲聘以

志業。志識也，歲聘以修其職業開朝以講禮。三年而一朝，正

幼之序，開去聲再朝而會，以示威。六年而一會，以訓

之節再會而盟，以顯昭明。十二年而一盟，所以昭

會王一巡守盟志業於好。聘也，呼報反好講禮於等。

朝也示威於衆。會也昭明於神。盟也自古以來，未之或

失也。存亡之道，恒由是興。晉禮主盟。依先王先

諸侯盟懼有不治，奉承齊犧。齊盟之犧，牲也而布諸

君，求終事也。終竟也君曰：余必廢之，何齊之有。唯

君圖之。寡君聞命矣。齊人懼，對曰：小國言之，大

國制之，敢不聽從。既聞命矣，敬共以往。遲速唯

君。叔向曰：諸侯有間矣。間隙也不可以不示衆。八

月辛未治兵戰建而不旆建立旌旗不曳旆旆游也壬申

復旆之諸侯畏之君將戰則旆故曳旆又反邾人莒

人愬于晉曰魯朝夕伐我幾亡矣自昭公即位邾魯同好又

不朝夕我莒無故怨愬晉人信之所謂讒慝弘多我之不共魯故之以

不共晉共晉侯不見公使叔向來辭曰諸侯將

以甲戌盟寡君知不得事君矣請君無勤託謙辭以

絕子服惠伯對曰君信蠻夷之訖蠻夷謂邾莒以絕

兄弟之國棄周公之後亦唯君寡君聞命矣叔

向曰寡君有甲車四千乘在雖以無道行之必

可畏也況其率道其何敵之有牛雖瘠債於豚

上其畏不死債什也南蒯子仲之憂其庸可

棄乎棄猶忘也若奉晉之衆用諸侯之師因邾莒杞

鄆之怒四國近魯數以小事相忿鄆已滅其民猶存故并以恐魯以討魯罪

聞其二憂因南蒯子仲二憂為間隙何求而弗克魯人懼聽

命不敢與盟甲戌同盟于平丘齊服也經所以稱同令諸

侯日中造于除除地為壇盟會處造七報反壇音善癸酉退朝

先盟朝晉先悉薦反子產命外僕速張于除張幄幕子大

叔止之使待明日及夕子產聞其未張也使速

往乃無所張矣。

地已滿也。傳言子產每事敏於大叔。

及盟。子產爭

承。

承貢賦之次。

曰：昔天子班貢，輕重以列。

列位也。

列尊

貢重，周之制也。

公侯地廣，故所貢者多。

卑而貢重者，甸服

也。

甸服謂天子畿內共職貢者。

鄭伯男也，而使從公侯之貢。

言鄭國在甸服外，爵列伯子男，不應出公侯之貢。

懼弗給也，敢以為請。

諸侯靖兵，好以為事。

靖息也。呼報反。

行理之命。

行理使人。

通聘問者。

無月不至，貢之無藝。

藝法制。

小國有關，所以

得罪也。諸侯修盟，存小國也。貢獻無極，亡可待

也。存亡之制，將在今矣。自日中以爭，至于昏。晉

人許之。既盟，子大叔咎之曰：諸侯若討，其可瀆

乎。

瀆易也。○易以政反。

子產曰：晉政多門。

政不出一家。

貳偷之

不暇，何暇計。

貳不壹，偷苟且。

國不競，亦陵。何國之為。

不競。

爭則為人所侵，陵不成為國。

胡傳按左氏：晉將尋盟，齊人不可。叔向曰：諸侯

有間矣，不可以不示衆。辛未，治兵。建而不旆，壬

申復旆。諸侯畏之，辭。諸魯曰：寡人有甲車四千

乘在，雖以無道行之，猶必可畏。牛雖瘠，饋於豚

上，其畏不死。南蒯子仲之憂，庸可棄乎。若奉晉

之衆聞其二憂何求而弗克請君無勤魯人聽命甲戌同盟于平丘其書同盟者劉子與盟同懼楚也會與盟同地再言平丘者書之重詞之複其中必有美惡焉見行事之深切著明故詞繁而不殺也是盟蓋或善之而以爲惡何哉盟雖衰世之事然有定人道之大倫者矣有備天子之明禁者矣有束牲不敵相命而信自喻者矣有納斥侯禁侵掠誠格而不復叛者矣其次猶以載書詞命相爭約於大神而不敢越者則

未聞主盟中國奉承齊犧而矜其威力恐迫諸侯又信蠻夷之訴絕兄弟之歡求逞私憤間其憂疑如此盟者流及戰國強衆相誇恫疑恐喝恣行陵暴死者十九積習所致有自來矣春秋禮義之大宗也曾是以爲善乎詞繁而不殺則惡其競力不道爲後世鑒也問去聲與音預殺去聲惡去聲公不與盟杜魯不堪晉求讒慝弘多公不與盟非國惡故不諱○與音預范公以再如晉不得入故不肯與盟

穀梁同者有同也同外楚也公不與盟者可以

與而不與。譏在公也。其曰善是盟也。公不與盟當從外盟

不日今日之善其會盟因楚有難而反陳蔡之君。難乃且反。

胡傳臣子之於君父。隱諱其恥。禮也。十二國會

于平丘。公獨見辭。不得與盟。斯亦可恥矣。曷為

直書其事而不隱也。晉主此盟。德則不競。而矜

兵甲之威。肆脇持之術。以諸侯上。要天子之老。

而歃血。以中國同。憐夷狄。篡立之主。而結盟。無

禮義忠信誠慤之心。而以威詐涖之。具此五不

韙者。得不與焉。幸也。聖人筆削春秋。凡魯君可

恥者。必為之隱諱。至會于沙隨。而公不得見。盟

于平丘。而公不得與。自眾人常情。必深沮喪。以

為辱矣。仲尼推明其故。自反而縮。雖晉國之嚴。

不可及也。彼以其威。我以其理。彼以其勢。我以

其義。夫何慊乎哉。直書其事。示後世立身行已

之道也。其垂訓之用大矣。要平聲與音預

晉人執季孫意如以歸。范以公不與盟故

左傳公不與盟。信邾莒之訴晉人執季孫意如

以幕蒙之。蒙裹也使狄人守之。司鐸射。魯大夫射食亦反

懷錦奉壺飲水以蒲伏焉守者御之乃與之錦

而入蒲伏竊往飲季孫米箭箭蓋可以取飲○

飲於鳩反晉人以平子歸子服湫從伯從至晉

○湫子小反從才用反

國語平丘之會晉昭公使叔向辭昭公弗與盟

晉昭公晉平公之子夷也魯昭十年季平子伐莒取郟莒人愬之於晉十三年晉將討魯會于

平丘使叔嚮辭魯昭公不與之盟子服惠伯曰晉信蠻夷而棄

兄弟蠻夷莒也其執政貳也執政之臣有貳心

貳必失諸侯豈唯魯然言不獨魯也夫失其政者必

壽於人魯懼及焉必加壽於人不可以不恭必使上

卿從之從至晉謝也季平子曰然則意如乎平子季

孫悼子之子意如也時為上卿若我往晉必患我誰為之貳患謂

見執若如也貳副也子服惠伯曰椒既言之矣敢逃難乎

椒請從椒惠伯名晉人執平子

胡傳稱人以執非伯討也自文以來公室微弱

三家專魯而季氏罪之首也宿及意如尤為強

逼元年伐莒疆郟十年伐莒取郟中分魯國以

自封殖而使其君民食於家其不臣甚矣何以

為非伯討乎。晉人若按邾莒所訴有無之狀。究南蒯子仲奔叛之因。告於諸侯。以其罪執之。請於天子。以大義廢之。選於魯卿。更意如之位。收歛私邑。為公室之民。使政令在君。三家臣順。則方伯之職修矣。今魯與邾通好。亦不朝夕伐莒。而邾鄭之故。又非昭公意也。徒以邾莒之言曰。我之不共。魯故之以遂辭魯君而執意如。則是意在貨財。而不責其無君臣之義也。何得為伯討乎。稱人以執罪。晉之偷也。邾古杏反 莒

左傳附錄

子產歸。未至。聞子皮卒。哭。且曰。吾已

已猶決竟無為為善矣。唯夫子知我。言子皮知已之善仲尼

謂子產於是行也。足以為國基矣。詩曰。樂旨君

子。邦家之基。詩小雅言樂與君子為治乃國家之基本子產君子之

求樂者也。且曰。合諸侯。藝貢事。禮也。嫌爭競不順故以禮

明之

公至自會

公羊公不與盟者何。公不見與盟也。時晉王會疑公如楚

不肯與公盟故諱使若公自不肯與盟公不見與盟。大夫執。何以

致會。乃致得會不恥也。曷為不恥。据扈之會公失序恥之諸

侯遂亂。反陳蔡。君子不恥不與焉。時諸侯將征棄疾棄疾乃

對陳蔡之君使說諸侯從陳蔡之君言還反不復討楚楚亂遂成故云爾公不與盟不書

成楚亂者時不受賂也諸侯實不與公盟而言公不與盟者遂亂雖見與公猶不宜與也故因

為公張義

左傳附錄 鮮虞人聞晉師之悉起也。五年傳曰遺守四千

今甲車四千乘故為悉起而不警邊。且不修備。言夷狄無謀晉荀

吳自著雍。以上軍侵鮮虞及中人。驅衝兢。中山望都

縣西北有中人城大獲而歸。為十五年晉伐鮮虞起

蔡侯廬歸于蔡。陳侯吳歸于陳。陳蔡皆受封于

之曰歸。廬音盧。范八年楚滅陳。十一年楚滅蔡。諸侯會而復之。故言歸。

左傳 楚之滅蔡也。靈王遷許。胡沈道房申於荆

焉。平王即位。既封陳蔡。而皆復之。禮也。滅蔡在十一年

許胡沈小國也。道房申皆故諸侯。楚滅以為邑。荆荆山也。傳言平王得安民之禮。汝南有吳防

縣即防國隱太子之子廬歸于蔡。禮也。隱太子之子

侯悼太子之子吳歸于陳。禮也。悼太子偃師也。吳陳惠公

公羊 此皆滅國也。其言歸何。据歸者不與諸侯

專封也。故使若有國自歸者。也。名者專受其封。當誅書者因以起楚封之。所以能起之。

者上有存陳文陳見滅無若無所責又蔡本以
篡見殺但不成其上不絕其國即諸侯存之當
有文
實也

穀梁善其成之會而歸之故謹而日之。二國復此盟

之功也故於其歸追述前盟謹日之意以美諸
侯存亡繼絕非謹陳蔡歸國之日也於盟則發
謹日之美于歸
則論致美之義此未嘗有國也使如失國辭然

者不與楚滅也

胡傳楚虔遷六小國於荆山又滅陳蔡而縣之

及棄疾即位復諸遷國封蔡及陳隱太子有之

子廬歸于蔡悼太子偃師之子吳歸于陳曰歸

者順辭也陳蔡昔皆滅矣不稱復歸者不與楚

虔之得滅也其稱歸于者國其所宜歸也廬與

吳皆亡世子之子也而棄疾封之可謂有奉矣

不言自楚者不與楚子之得封也其稱侯者位


其所固有也陳列聖之後蔡王室之親見滅於

楚虔而諸侯不能救復封於棄疾而諸侯不能

與是以夷狄制諸夏也聖人至是懼之甚蓋有

不得已焉制春秋為後法大要皆天子之事也

其義則以公天下為心與滅國繼絕世異於自



私其身。欲擅而有之者也。故書法如此。為天下國家而不封建。欲望先王之治。難矣。

冬十月。葬蔡靈公。

杜蔡復而後以君禮葬之。何書葬者。經不與楚討。嫌本可責復。

讐故書葬。明當從誅。君論之。不得責臣子。

左傳冬十月。葬蔡靈公。禮也。

國復成禮以葬也。此陳蔡事。傳皆言。

禮嫌楚所封不得。比諸侯故明之。

穀梁變之不葬有三。

變之謂改常禮。春秋之常小國夷狄不葬。失德。

不葬。

無君道。弑君不葬。

謂不討賊如無臣子。

滅國不葬。

無臣也。

然且葬之。不與楚滅。且成諸侯之事也。

蔡靈公弑逆無。

道以至身死國滅。不宜書葬。書葬者不宜令夷狄加乎中國。且成諸侯與滅繼絕之善。故葬之。

公如晉。至河乃復。

杜晉人辭公。

左傳公如晉。荀吳謂韓宣子曰。諸侯相朝。講舊

好也。執其卿而朝其君。有不好焉。不如辭之。乃

使士景伯辭公于河。

景伯士文伯之子。彌牟也。舊好呼報反。

吳滅州來。

杜州來楚邑。用大師焉。日滅。何。不日者。畧兩夷。

左傳吳滅州來。令尹子旗請伐吳。王弗許。曰。吾

未撫民人。未事鬼神。未修守備。未定國家。而用

民力。敗不可悔。州來在吳。猶在楚也。子姑待之。

傳言平王所以能有國

左傳附錄季孫猶在晉子服惠伯私於中行穆

子之私與語曰魯事晉何以不如夷之小國魯兄弟

也土地猶大所命能具若為夷棄之使事齊楚

其何瘳於晉瘳差也○為干偽反下同親親與大賞共罰否

所以為盟主也子其圖之諺曰臣一主二言一臣必

有二主道不合得去事他國吾豈無大國言非獨晉可事穆子告韓

宣子且曰楚滅陳蔡不能救而為夷執親將焉

用之乃歸季孫惠伯曰寡君未知其罪合諸侯

而執其老老尊卿稱若猶有罪死命可也死晉命也若曰

無罪而惠免之諸侯不聞是逃命也何免之為

請從君惠於會欲得盟會見遣不欲私去宣子患之謂叔向

曰子能歸季孫乎對曰不能鮒也能鮒叔魚乃使

叔魚叔魚見季孫曰昔鮒也得罪於晉君自歸

於魯君蓋襄二十一年坐叔虎與欒氏黨并得罪微武子之賜不至

於今武子季平子祖父雖獲歸骨於晉猶子則肉之敢

不盡情歸子而不歸鮒也聞諸吏將為子除館

于西河西使近河其若之何且泣泣以信其言平子懼先

歸。惠伯待禮。待見遣之禮

國語 晉人執平子。子服惠伯見韓宣子。宣子晉正卿韓

獻子之子起也曰。夫盟信之要也。要於遙切猶結也晉為盟主。

是主信也。若盟而棄魯侯。信抑闕矣。闕缺也昔樂

氏之亂。齊人閒晉之禍。伐取朝歌。閒侯也。樂氏晉大夫樂盈

也。獲罪奔楚。自楚奔齊。魯襄二十三年。齊莊公納盈不克。秋伐晉。取朝歌。朝歌晉邑。我先

君襄公不敢寧處。使叔孫豹悉帥弊賦。賦兵也兵

跂軍行。無有處人。跂跛也。蹇也以從軍吏。次於離俞。

次舍也。雍俞晉地與邯鄲勝擊齊之左。邯鄲勝晉大夫趙旃之子須子

勝也。食采邯鄲左左軍也掎止晏萊焉。掎九倚切。從後禦曰。晏萊齊大夫

夫齊師退而後敢還。非以求遠也。非以求遠功也以魯

之密邇於齊。而又小國也。齊朝駕則夕。極於魯

國。極至也不敢憚其患。而與晉共其憂。亦曰庶幾

有益於魯國乎。益謂得晉之助也今信蠻夷而棄之。夫

諸侯之勉於君者。將安勸矣。若棄魯而苟固諸

侯。羣臣敢憚戮乎。諸侯之事晉者。魯為勉矣。若

以蠻夷之故。棄之。其無乃得蠻夷而失諸侯之

信乎。子計其利者。小國共命。共敬也宣子說。乃歸

平子。

景王十有四年

晉昭四齊景二十衛靈七蔡平
鄭定二曹武二十七卒陳惠

二杞平八宋元四秦哀九楚
平王居元年吳夷昧十六

春意如至自晉杜書至者
喜得免

左傳十四年春。意如至自晉。尊晉罪已也。以舍
族為

尊晉罪已禮也。禮修已而
不責人

穀梁大夫執則致。致則名。意如惡然而致。見君

臣之禮也。大夫有罪則宜廢之既不能廢不得
不盡為君臣之恩故曰見君臣之禮

胡傳按左氏季孫猶在晉。子服惠伯私於中行

穆子曰。魯事晉。何以不如夷之小國。土地猶大。

所命能具。若為夷棄之。使事齊楚。何瘳於晉。乃

歸季孫。其始執之。為乏邾莒之供。而非有扶弱

擊強之義也。其終歸之。為土地猶大。所命能具。

而非有不能救蔡。為夷執親之悔也。然則晉人

喜怒皆以利發。其勸沮皆以利行。違道甚矣。故

平丘之會。深加貶斥。自是而後。諸侯不合。二十

餘年。至于召陵。又以賄敗。十有八國之諸侯。而

書侵楚以譏之。於是晉日益衰。外携內叛。不復

振矣。利之能敗人國家。乃如此。春秋之深戒也。
行音杭為去聲復扶又反

左傳附錄南蒯之將叛也。盟費人。司徒老祁慮

癸。二人南蒯家臣偽癢疾。使請於南蒯曰。臣願受盟而

疾興。若以君靈不死。請待間而盟。間差也。○許

之。二子因民之欲叛也。請朝衆而盟。欲因合衆以作亂

遂劫南蒯曰。羣臣不忘其君。君謂季氏畏子以及今。

三年聽命矣。子若弗圖。費人不忍其君。將不能

畏子矣。不能復畏子。○畏子何所不逞。欲請送

子。送使出奔請期五日。南蒯請期冀有變遂奔齊。待飲酒於

景公。公曰。叛夫。戲之對曰。臣欲張公室也。張強子也

韓皙曰。齊大夫家臣而欲張公室。罪莫大焉。言越職

司徒老祁慮癸來歸費。歸魯齊侯使鮑文子致之。

南蒯雖叛。費人不從。未專屬齊。二子逐蒯而復其舊。故經不書歸費。齊使文子致邑。欲以假好非事實也。

三月曹伯滕卒。杜四同盟

夏四月

左傳附錄夏。楚子使然丹簡上國之兵於宗丘。

且撫其民

上國在國都之西西方居上流故謂之上國宗丘楚地

分貧振

窮

分與也振救也徐甫問反

長孤幼養老疾收介特

介特單身

民也收養不使流散○長丁丈反

救災患宥孤寡

賦稅赦罪戾

詰姦慝

詰責問也慝起吉反

舉淹滯

淹滯有才德而未效者

禮新

叙舊

新羈旅也

祿勲合親

勲功也親九族

任良物官

物事使

屈罷簡東國之兵於召陵

兵在國都之東者○罷音皮召上照反

亦如之

如然丹

好於邊疆

結好四鄰○好呼報反

息民五年

而後用師禮也

秋葬曹武公

八月莒子去疾卒

杜未同盟○去起呂反何入昭公卒不口不書葬者本篡故因

不序

左傳秋八月莒著丘公卒郊公不感

郊公著丘公子○著

直居反徐直據反

國人弗順欲立著丘公之弟庚與

庚與

莒共公○與音餘

蒲餘侯惡公子意恢而善於庚與

蒲餘

侯莒大夫茲夫也意恢莒羣公子○惡烏路反下同

郊公惡公子鐸而善

於意恢

鐸亦羣公子

公子鐸因蒲餘侯而與之謀曰

爾殺意恢我出君而納庚與許之

為下冬殺意恢傳

胡傳卒自外錄者也莒人來赴故魯史書其卒

墓自內錄者也。魯人不往。是以闕其墓。自昭公以來。雖薛杞微國。無不會其墓者。何獨於莒則不往乎。方是時。意如專政。而莒嘗訴其疆。鄆取鄆之罪於方伯。而見執矣。為是怒莒。故獨不會其墓也。夫怨不棄義。惡不忘親。怒不廢禮。在桓公時。雖與衛戰。而宣公卒。則往墓之。不以私故。絕吉凶慶弔往來。施報之常禮也。以此見意如之專恣矣。若意如者。其傲狠修怨。敢施於昭公與莒子。及其在晉。聞除館西河。則恐懼逃歸。如

一匹夫。何也。小人無禮。喜怒勇怯。不中節。皆若

是耳。苟不遠之。其能國乎。為去聲。中去聲。遠去聲。

左傳附錄 楚令尹子旗有德於王。不知度。有佐立之。

德 與養氏比而求無厭。養氏子旗之黨。養由基之後。○比毗志。反厭於

反鹽 王患之。九月甲午。楚子殺鬬成然。而滅養氏

之族。使鬬辛居鄆。以無忘舊勳。辛子旗之子。鄆公辛。○鄆音云。

冬莒殺其公子意恢。杜以禍亂告。不必繫於為卿。故雖公子亦書意恢。與亂君

為黨。故書名惡之。○恢苦回。反惡。易路。反河。莒無大夫。書殺公子者。未踰年而殺其君之子。不

孝尤甚。故重而錄之。稱氏者。明君之子。

左傳冬十二月蒲餘侯茲夫殺莒公子意恢郊公奔齊公子鐸逆庚與於齊齊隰黨公子鉏送之有賂田莒賂齊以田

穀梁言公子而不言大夫莒無大夫也莒無大

夫而曰公子意恢意恢賢也曹莒皆無大夫其

所以無大夫者其義異也曹叔振鐸文王之子武王之弟武王封之

千曹在甸服之內後削小爾莒已姓東夷本微國

左傳附錄晉邢侯與雍子爭鄙田邢侯楚申公巫臣之子也

雍子亦故楚人久而無成士景伯如楚士景伯晉理官

叔魚攝理攝代景伯韓宣子命斷舊獄罪在雍子雍

子納其女於叔魚叔魚蔽罪邢侯蔽斷也○斷丁亂反蔽必

世反邢侯怒殺叔魚與雍子於朝宣子問其罪於

叔向叔向曰三人同罪施生戮死可也施行罪也雍

子自知其罪而賂以買直鮒也鬻獄邢侯專殺

其罪一也已惡而掠美為昏掠取也昏亂也○鬻羊六反掠音亮

貪其敗官為墨墨不潔之稱○敗必邁反殺人不忌為賊忌畏

也夏書曰昏墨賊殺逸書三者皆死刑臯陶之刑也請

從之乃施邢侯而尸雍子與叔魚於市仲尼曰

叔向古之遺直也。言叔向之直。有古人遺風。治國制刑不隱

於親。謂國之大問已所答當也。至於三數叔魚

之惡不為末減。未薄也。減輕也。皆以曰義也夫

可謂直矣。於義未安直則平丘之會數其賄也

謂言瀆貨無厭以寬衛國晉不為暴歸魯季孫稱其詐

也。謂言鮒也能以寬魯國晉不為虐邢侯之獄言其

貪也以正刑書晉不為頗三言而除三惡加三

利。三惡暴虐頗也三惡除殺親益榮。榮名猶義

也夫。三罪唯答宣子問不可以不正其餘則以直傷義故重疑之

國語士景伯如楚。景伯晉理官士叔魚為贊理

叔魚羊舌鮒也贊佐也景伯如楚故叔魚攝其官也邢侯與離子爭田。二

皆晉大夫也邢侯楚申公巫臣之子也巫臣奔晉晉與之邢離子故楚大夫奔晉晉與之鄰爭

鄰田之疆界也離子納其女於叔魚以求直。不直故及

蔽獄之日叔魚抑邢侯。蔽決也抑枉也邢侯殺叔魚與

離子於朝韓宣子患之叔向曰三姦同罪請殺

其生者而戮其死者。陳尸為戮宣子曰若何對曰鮒

也鬻獄。鬻賣也離子賈之以其子邢侯非其官也

而干之。官司寇也干犯也夫以回鬻國之中。回邪也與

